



UNIVERSITETI I PRISHTINËS  
FAKULTETI I EDUKIMIT

# DORACAK PËR STUDIMET E DOKTORATËS

PRISHTINE, 2017



Universiteti i Prishtinës  
Fakulteti i Edukimit

# ***Doracak për Studimet e Doktoratës***

Prishtinë, 2017

## PËRMBAJTJA

<b>I. HYRJE</b>	<b>3</b>
Korniza e programit të doktoratës	4
Modulet e studimit të orientimit (kandidatët i zgjedhin 2 module):	6
Modulet zgjedhore - (kandidatët i zgjedhin 3 module: 3x5 ECTS)	6
Kriteret për përfundimin e programit të studimeve të doktoratës	7
<b>II. STRUKTURA ORGANIZATIVE E STUDIMEVE TË DOKTORATËS</b>	<b>9</b>
1. Përgjegjësitë e Dekanatit	9
2. Këshilli i studimeve të doktoratës	9
3. Shërbimi/zyra për studimet e doktoratës	10
<b>III. SHKRIMI DHE MIRATIMI I PROPOZIMEVE PËR KËRKIME</b>	<b>11</b>
1. Proces i dorëzimit dhe miratimit të propozimit për kërkim	11
2. Struktura dhe përmbajtja e propozimit për kërkim	12
<b>IV. ZBATIMI I KËRKIMIT PËR PHD</b>	<b>16</b>
1. Mentorimi	16
2. Vlerësimi i disertacionit të doktoratës	18
<b>V. SIGURIMI I CILËSISË SË STUDIMEVE TË DOKTORATËS</b>	<b>21</b>
<b>SHTOJCAA: RREGULLORJA E UNIVERSITETIT PËR STUDIMET E DOKTORATËS</b>	<b>22</b>
<b>RREGULLORE PËR STUDIMET E DOKTORATËS</b>	<b>22</b>
<b>FORMULARËT E APLIKUESHËM</b>	<b>44</b>
F1 - PARAQITJA E TEMËS SË PUNIMIT TË DOKTORATËS	44
F2 - VLERËSIMI I TEMËS SË DOKTORATËS	49
F3 - VENDIMI I APROVIMIT TË TEMËS SË PUNIMIT TË DOKTORATËS	53
F4 - RAPORTI VJETOR I PROGRESIT TË DOKTORANTIT	56
F5 - DR.SC.-05 RAPORTI VJETOR I MENTORIT PËR PËRPARIMIN E DOKTORANTIT	62
F6 - KËRKESA PËR NDËRRIM TË TEMËS DHE/OSE MENTORIT/BASHKËMENTORIT	65
F7 - KËRKESË PËR SHTYRJE TË MBROJTJES PUBLIKE TË PUNIMIT TË DOKTORATËS	68
F8 - UDHËZIMET PËR PËRPILIMIN E PUNIMIT TË DOKTORATËS	70
F9 - RAPORTI VJETOR MBI PROGRAMIN E STUDIMEVE TË DOKTORATËS	76
F10 - RAPORTI MBI VLERËSIMIN E PUNIMIT / DORËSHKRIMIT TË DOKTORATËS	82
F11 - PROTOKOLLI DHE PROCESVERBALI PËR MBROJTJEN E PUNIMIT TË DOKTORATËS	85

## I. HYRJJE

Ky doracak është menduar si një paketë e udhëzimeve për zbatimin e programit të doktoratës “PhD në arsimimin e mësimdhënësve dhe në shkencat e edukimit”, që ofrohet nga Universiteti i Prishtinës i akredituar nga Agjencia e Akreditimit e Kosovës. Ky doracak është shkruar si një përmbledhje e proceseve, procedurave dhe standardeve për studimet e doktoratës në Fakultetin e Edukimit, me qëllim të mbështetjes së stafit akademik të Fakultetit të Edukimit të përfshirë në zbatimin e studimeve të doktoratës, si dhe strukturave menaxhuese të përfshira në zbatimin e studimeve të doktoratës, gjegjësisht me qëllim të mbështetjes së menaxhmentit të Fakultetit të Edukimit dhe Këshillit të Studimeve të Doktoratës në Fakultetin e Edukimit. Për më tepër dhe më e rëndësishmja, ky doracak do t'i ndihmojë studentëve të PhD-së që të përparojnë në përfundimin e studimeve të doktoratës dhe t'i plotësojnë të gjitha kërkesat e parapara.

Ky program është programi i parë i PhD-së në këtë fushë në Kosovë dhe si i tillë ka për qëllim që t'i shërbejë një spektri të gjerë të institucioneve dhe profesionistëve në Kosovë. Themelimi i i institucioneve të reja të arsimit të mësimdhënësve (Fakultetet e Edukimit) në sistemin publik të arsimit të lartë në vitet e fundit si dhe synimet për ta avancuar zhvillimin e profesionalizmit të mësimdhënësve në sistemin shkollor, janë dy çështjet kryesore të cilat qëndrojnë prapa arsimit për zhvillimin e këtij programi PhD. Synimet e përgjithshme të këtij programi PhD mund të përmbledhen si më poshtë:

- zhvillimi i ekspertëve të arsimit që do ta mbështesin zhvillimin e sistemit arsimor dhe sistemin shkollor,
- zhvillimi i kuadrit për Fakultetet e Edukimit që i zotërojnë aftësitë dhe konceptet e zhvillimit modern të arsimit,
- zhvillimi i kërkuesve arsimorë të cilët do të jenë në gjendje që të nxisin ide të reja në fushën e shkencave të arsimit.

Duke e pasur parasysh natyrën e studimeve të doktoratës dhe tendencat e përgjithshme në përcaktimin e rezultateve të të nxëniet për programet PhD (shih referencat e përshkruarve të Dublinit dhe

Projektin TUNING), ky program i PhD-së do t'i kontribuojë arritjes së rezultateve specifike si në vijim:

- Thellimi i kuptimit nga kandidatët në lidhje me konceptet teorike dhe metodologjike në fushën e arsimit dhe të shkencave të edukimit.
- Përgatitja e kandidatëve për t'i drejtuar në mënyrë të pavarur projektet kërkimore dhe profesionale shkencore dhe për t'i zotëruar aftësitë e nevojshme për zbatimin e këtyre projekteve.
- Pajisja e kandidatëve me aftësi për të zhvilluar njohuri të reja të pavarura për zgjidhjen e problemeve më të vështira profesionale dhe shkencore përmes një qasjeje ndërdisiplinore.
- Zhvillimi i reflektimit kritik dhe i përgjegjësisë etike të kandidatëve në kërkim dhe kompetencave sociale dhe të komunikimit për udhëheqje profesionale dhe për kërkim.
- Përgatitja e kandidatëve për t'i analizuar në mënyrë kritike faktorët e njohur dhe për të ofruar zgjidhje të reja për probleme specifike dhe praktike.

## ***Korniza e programit të doktoratës***

Programi i PhD-së përbëhet nga komponenta e mësimdhënies dhe komponenti i kërkimeve. Parimet e përgjithshme dhe dispozitat e Rregullores qendrore të universitetit për studimet PhD ofrojnë korniza të përgjithshme, ndërsa i mbetet departamenteve përkatëse që të vendosin se cilët komponentë të mësimdhënies mund t'i mbështesin më së miri studentët në arritjen e rezultateve të dëshiruara. Përmbajtja e propozuar e këtij programi të PhD-së është planifikuar me synim që t'i shërbejë një spektri të gjerë të fushave kërkimore, të cilat mund të adresohen nga studentët në këtë program. Programi përmban një sërë modulesh obligative që të gjithë studentët duhet t'i vijojnë, duke i përfshirë tre seminare kërkimi si dhe module orientimi (2 module) që kanë për qëllim që t'i ekspozojnë studentët në shqyrtim më të thellë të fushës kërkimore që u intereson atyre. Përveç kësaj, secili student duhet t'i vijojë tre module zgjedhore nga një grup i propozuar modulesh, që janë integruar në program.

*Doracak për Studimet e Doktoratës*

	Viti I Semestri I	L (Orë)	S (Orë)	Studim individual	Totali (Orë)	ECTS
1	Teoritë moderne në fushën e shkencave të edukimit O	10	15	125	150	5
2	Metodat e avancuara kërkimore në arsim O	10	15	125	150	5
3	Seminari i doktoratës O		30	120	150	5
4	Moduli i studimit të orientimit O	10	15	125	150	5
5	Moduli i shkrimit të disertacionit	10	15	125	150	5
6	Moduli i kërkimit individual O			150	150	5
	Gjithsej	40	90	790	900	30

	Viti I Semestri II	L (Orë)	S (Orë)	Studim individual	Totali (Orë)	ECTS
1	Trendet bashkëkohore në kërkimet arsimore O	10	15	125	150	5
2	Seminari II i doktoratës O	0	30	120	150	5
3	Moduli II i studimit të orientimit O	10	15	125	150	5
4	Modul zgjedhor	10	15	125	150	5
5	Modul zgjedhor	10	15	125	150	5
6	Moduli i kërkimit individual			150	150	5
	Totali	40	90	790	900	30

	Viti II Semestri III	L (Orë)	S (Orë)	Studim individual	Totali (Orë)	ECTS
	Seminari III i doktoratës O					
2	Modul zgjedhor	10	15	125	150	5
3	Moduli i kërkimit individual			600	600	20
	Totali	20	30	750	900	30

	Viti II Semestri IV	L (Orë)	S (Orë)	Studim individual	Totali (orë)	ECTS
1	Moduli i kërkimit individual			900	900	30
	Totali			900	900	30

	Viti III Semestri V	L (Orë)	S (Orë)	Studim individual	Totali (Orë)	ECTS
1	Moduli i kërkimit individual			900	900	30
	<b>Totali</b>			900	900	30

	Viti III Semestri VI	L (Orë)	S (Orë)	Studim individual	Totali (Orë)	ECTS
1	Moduli i kërkimit individual		30	870	900	30
	<b>Totali</b>			900	900	30

### **Modulet e studimit të orientimit (kandidatët i zgjedhin 2 module):**

<b>Modulet (5 ECTS secili)</b>
1. Mësimdhënia dhe mësimnxënia I dhe II
2. Mësimdhënia e shkencave natyrore I dhe II
3. Mësimdhënia e matematikës I dhe II
4. Mësimdhënia e shkencave shoqërore I dhe II
5. Arsimi përfshirës I dhe II
6. Edukimi parashkollor I dhe II
7. Udhëheqja arsimore I dhe II

### **Modulet zgjedhore1- (kandidatët i zgjedhin 3 module: 3x5 ECTS)**

<b>Modulet</b>
1. Kërkimi cilësor
2. Kërkimi sasior
3. Shkrimi i artikujve shkencorë dhe prezantimi i rezultateve
4. Kurs i avancuar për arsimin e personave me nevojave të veçanta
5. Kurs i avancuar për komunikimin në arsim
6. Psikologjia e stresit
7. Zhvillimi profesional i mësimdhënësve

<sup>1</sup> Modulet zgjedhore synojnë forcimin e kompetencave të përgjithshme relevante, transferimin e njohurive dhe kompetencave nga lënda në një kuptim më të gjerë dhe nga një perspektivë ndër-disiplinore.

8. Kurs i avancuar për vlerësimin e arsimit
9. Arsimimi ndërkombëtar
10. Politikat arsimore
11. Këshillimi individual dhe organizativ
12. Mësimdhënia dhe mësimnxënia në arsimin e lartë

### ***Kriteret për përfundimin e programit të studimeve të doktoratës***

Kriteret për përfundimin e programit të studimeve të doktoratës janë përcaktuar në Rregulloren e universitetit për studimet PhD, si dhe specifikimet e përcaktuara në programin e akredituar nga autoriteti kombëtar i akreditimit.

Studimet e doktoratës organizohen në gjashtë semestra:

1. Në semestrin e parë, studenti i akumulon 30 ECTS nga përfundimi i kurseve/moduleve dhe seminareve të studimeve të doktoratës siç është paraparë në programin e akredituar.
2. Në semestrin e dytë, studenti i akumulon 30 ECTS nga kurset/modulet dhe seminarët siç është paraparë në programin e akredituar.
3. Në semestrin e tretë, studenti i mbledh 30 ECTS pas përfundimit të një seminari kërkimor dhe vlerësimit pozitiv të miratimit të propozim-projektit të doktoratës nga Këshilli qendror për PhD i njësisë akademike dhe nga Këshilli qendror i studimeve të doktoratës, si dhe miratimi final i projektpropozimit dhe mentorit nga ana e Senatit të Universitetit.
4. Në tre semestrat e mbetur, studenti i akumulon 90 ECTS përmes:
  - Botimi i një artikulli që lidhet me punën e disertacionit të doktoratës, duke e përfshirë mundësinë e përdorimit të një pjese të të dhënave të grumbulluara për disertacionin e doktoratës në një revistë ndërkombëtare me recenzion të fshehtë dhe indeksim cilësor (bazuar në rregulloret e aplikueshme të Universitetit për standardet e revistave që përdoren për qëllime të avancimit të stafit akademik (20 ECTS).
  - Të paktën dy prezantime në takime shkencore (konferenca, kongrese, etj.), prej të cilave një të jetë me karakter ndërkombëtar



(10 ECTS).

- Përfundimi dhe mbrojtja publike e tezës së doktoratës (60 ECTS).

## **II. STRUKTURA ORGANIZATIVE E STUDIMEVE TË DOKTORATËS**

Struktura kryesore që përfshihet në zbatimin e studimeve të doktoratës është menaxhmenti i Fakultetit të Edukimit (dekanati, këshilli i studimeve të doktoratës dhe zyra/shërbimi për studentët e doktoratës). Secili prej tyre luan një rol vendimtar, ku koordinimi i përpjekjeve dhe koherenca e veprimeve të tyre është kritike për zbatimin e programit të studimeve të doktoratës.

### **1. Përgjegjësitë e Dekanatit**

Menaxhmenti i Fakultetit të Edukimit është përgjegjës për aktivitetet e mëposhtme në zbatimin e programit të studimeve të doktoratës:

- Caktimin e ligjëratave dhe seminareve të studimeve të doktoratës.
- Caktimin i ligjëruesve të kursit/modulit dhe udhëheqësve dhe kontribuesve të seminareve kërkimore.
- Menaxhimin e procesit të kontraktimit të stafit të përfshirë në ligjërime dhe mentorim në programin e doktoratës.
- Sigurimin i burimeve të nevojshme për zbatimin e programit të studimeve të doktoratës.
- Lehtësimin e komunikimit në mes të Këshillit të studimeve të doktoratës në nivelin e Fakultetit dhe Këshillit të Fakultetit, në njërin anë dhe Këshillit të Fakultetit dhe të Këshillit qendror të studimeve të doktoratës, nga ana tjetër.
- Sigurimin i kushteve të nevojshme të punës për Këshillin e studimeve të doktoratës dhe stafin e përfshirë në zbatim.

### **2. Këshilli i studimeve të doktoratës**

Sipas Rregullores për studimet e doktoratës në nivel të Universitetit të Prishtinës, Këshilli i studimeve të doktoratës i Fakultetit të Edukimit

është përgjegjës për zbatimin e Programit të Doktoratës. Më konkretisht, Këshilli i studimeve të doktoratës në Fakultetin e Edukimit është përgjegjës për këto aktivitete:

- Menaxhon procesin e projekt propozimeve për temë të doktoratës duke përfshirë elaborimin e udhëzimeve shtesë për studentët.
- Menaxhon procesin e sigurimit të cilësisë së studimeve të doktoratës.
- Shqyrton propozimet për kërkime të doktoratës dhe mentorët e propozuar dhe i rekomandon Këshillit të Fakultetit anëtarët e Komisionit, të cilët e vlerësojnë propozimin e kërkimit.
- Shqyrton raportin e vlerësimit të Komisionit shqyrtues rreth propozimit të kërkimit për doktoratë dhe i propozon Këshillit të Fakultetit miratimin e propozimit ose ndryshimet që kandidati duhet t'i bëjë.
- I propozon Këshillit të Fakultetit themelimin e Komisionit të mbrojtjes së disertacionit të doktoratës.
- Shqyrton raportin nga Komisioni i mbrojtjes së disertacionit të doktoratës dhe i rekomandon Këshillit të Fakultetit miratimin e mbrojtjes kur konsiderohet se janë plotësuar standardet e cilësisë.
- Shqyrton programin e doktoratës periodikisht me qëllim të përmirësimit të cilësisë dhe ri-akreditimit të programit.

### **3. Shërbimi/zyra për studimet e doktoratës**

Menaxhmenti i Fakultetit të Edukimit e cakton zyrën dhe zyrtarët përgjegjës për ofrimin e mbështetjes teknike dhe logjistike për zbatimin e studimeve të doktoratës. Shërbimi është gjithashtu përgjegjës për protokollin dhe mbështetjen logjistike për punën e Komisionit të studimeve të doktoratës. Zyra e studimeve të doktoratës është e vendosur në Fakultetin e Edukimit, kati 3. Të gjitha e-mailat që vijnë nga studentët e doktoratës, për të gjitha çështjet që kanë të bëjnë me programin e studimeve të doktoratës, duhet të dërgohen tek zyrtarja e studimeve të doktoratës, duke vendosur në CC (kopje) prodekanët dhe udhëheqësin e Këshillit të studimeve të doktoratës, sipas nevojës në bazë të roleve dhe përgjegjësi të përcaktuara në këtë doracak.

### **III. SHKRIMI DHE MIRATIMI I PROPOZIMEVE PËR KËRKIME**

#### ***1. Procesi i dorëzimit dhe miratimit të propozimit për kërkim***

Sipas Rregullores së universitetit për studimet e doktoratës, procesi i paraqitjes dhe i miratimit të propozimit për kërkim duhet të zhvillohet në këtë mënyrë:

- Gjatë vitit të parë të studimeve të doktoratës, kandidati për PhD finalizon projektin e hulumtimit bashk me mentorin dhe propozon atë dhe mentorin në semestrin e tretë.
- Kandidati i doktoratës e fillon procedurën për dorëzimin e propozimit për kërkim të doktoratës përmes aplikacionit, i cili përbëhet nga formulari që është mandatar nga Këshilli qendror i studimeve të doktoratës. Studenti mund ta shtjellojë një propozim më të përpunuar kërkimor për Këshillin e studimeve të doktoratës në Fakultetin e Edukimit për ta mundësuar një proces më të plotë të shqyrtimit. Ky propozim më i përpunuar i kërkimit nuk kufizohet në numrin e faqeve, por nuk duhet t'i kalojë 10 faqe dhe mund t'i bashkëngjitet formularit të aplikimit (F1) të mandatar përmes Rregullores qendrore për studimet e doktoratës. Aplikacioni dorëzohet pranë Zyrës për Master dhe Doktoratë dhe kërkesa regjistrohet në protokoll përpara se t'i dorëzohet Këshillit të studimeve të doktoratës.
- Këshilli i Fakultetit, me propozim të Këshillit të studimeve të doktoratës të Fakultetit të Edukimit, e emëron një komision prej tre ose pesë anëtarëve për ta vlerësuar propozimin për kërkim, mentorin dhe bashkë-mentorin e propozuar. Të paktën një anëtar i Komisionit duhet të jetë i jashtëm nga Fakulteti i Edukimit ose jashtë Kosovës dhe dikush që nuk ka qenë i përfshirë në mësimdhënie në programin e njëjtë të doktoratës. Mentori i propozuar nuk mund të jetë anëtar i këtij Komisioni.
- Komisioni për vlerësimin e propozimit të kërkimit e vlerëson

propozimin e kërkimit në bazë të standardeve të përkruara në këtë doracak dhe e dorëzon raportin e vlerësimit pranë Këshillit të studimeve të doktoratës në Fakultet.

- Këshilli i studimeve të doktoratës duhet ta shqyrtojë raportin e vlerësimit të komisionit të vlerësimit në semestrin e tretë, ose kur studenti të jetë gati që ta paraqesë propozimin.
- Kandidati duhet ta paraqesë/mbrojë propozimin para Këshillit të studimeve të doktoratës, komisionit të vlerësimit dhe mentorit e bashkë-mentorit të propozuar (nëse kërkohet), 30 ditë pas dorëzimit të raportit të komisionit të vlerësimit.
- Pas mbrojtjes, Këshilli i studimeve të doktoratës e përcjell propozimin për miratim në Këshillin e Fakultetit, i cili pastaj e proceson kërkesën drejt Këshillit qendror të Universitetit për studimet e doktoratës dhe Senatit. Kërkesa procesohet përmes menaxhmentit të Fakultetit të Edukimit.
- Rrjedha e procesit dokumentohet dhe formalisht regjistrohet në procesverbal, e njëjta gjë bëhet edhe për vendimet formale të Këshillit të Fakultetit përmes së cilave është miratuar propozimi për kërkim.
- Të gjitha propozimet për kërkime duhet ta përfshijnë dokumentacionin e nevojshëm për të demonstruar se propozimet e kërkimit i respektojnë dispozitat e aplikueshme të rregullave të etikës kërkimore të zbatueshme në nivel universiteti, veçanërisht në lidhje me përfshirjen e subjekteve relevante në kërkim.

## **2. Struktura dhe përmbajtja e propozimit për kërkim**

Propozimi për kërkim duhet të jetë jo më i gjatë se 10 faqe, duke përfshirë listën e referencave. Studentët duhet ta përdorin stilin e referimit APA, *times new roman*, një hapsirë (*single line spacing*). Ky propozim i elaboruar për kërkim përbën bazën për plotësimin e formularit formal të aplikimit (F1 në Rregulloren qendrore për studimet e doktoratës). Propozimi për kërkim duhet ta përfshijë informacionin e mëposhtëm:

## **Titulli i propozimit për kërkim**

Nuk duhet të jetë më i gjatë se 20 fjalë dhe nuk duhet të ketë akronime dhe shenja pikësimi. Ai duhet të tregojë qartë se çfarë do të përfshihet në kërkim dhe nuk duhet të jetë abstrakt e i paqartë. Titulli nuk mund të ndryshohet pasi të jetë miratuar.

## **Fjalët kyçe**

Duhet të përcaktohet një listë prej tre deri në pesë fjalë kyçe të renditura në mënyrë alfabetike. Këto fjalë duhet të jenë të lidhura qartë me temën e propozuar të kërkimit.

## **Abstrakti**

Abstrakti duhet të jetë një përmbledhje prej 300 fjalësh që e tregon problemin që po studionet dhe qëllimin e këtij kërkimi. Përveç kësaj, abstrakti e përshkruan kornizën teorike që përdoret për ta realizuar këtë studim, si dhe përcaktohen zgjedhjet metodologjike që do të bëhen për zbatimin e këtij kërkimi. Abstrakti përfundon me një deklaratë të rezultateve të pritshme të kërkimit dhe kontributin shkencor që pritet ta japë kërkimi i propozuar.

## **Arsyetimi dhe qëllimi**

Në këtë seksion, kandidati i adreson çështjet e mëposhtme:

- Rëndësia e projektit në lidhje me njohuritë/literaturën aktuale: Si lidhet projekti me kërkimet e mëparshme ndërkombëtare dhe kombëtare? Si do ta avancojë apo ta ripërtërijë ky projekt gjendjen aktuale? Si do të kontribuojë ky kërkim në zhvillimin e njohurive dhe debateve teorike mbi temën përkatëse?
- Si lidhet kërkimi i propozuar me kërkimet e mëparshme të viteve të fundit?

## **Korniza teorike**

Ky seksion duhet ta tregojë qartë kornizën teorike që do ta zbatojë kërkimi i propozuar. Kjo pjesë gjithashtu duhet ta bëjë argumentimin e nevojshëm për zgjedhjet e bëra për konstruktet kryesore, debatet

dhe teoritë e literaturës që hulumtuesi i përdor për realizimin e këtij kërkimi. Është e rëndësishme që kërkimi i propozuar të tregojë lidhje të qarta midis kornizës teorike dhe të dhënave, si dhe pritjeve nga ky kërkim. Propozimi i kërkimit duhet ta tregojë shfrytëzimin e së paku 25 referencave relevante shkencore, të cilat e lidhin ngushtë temën e propozuar të kërkimit me literaturën mbizotëruese të viteve të fundit.

## **Qëllimi dhe pyetjet e kërkimit**

### **a. Objektivat e kërkimit**

- Qartësohen objektivat/qëllimi i projektit kërkimor dhe bazat teorike
- specifikohen pyetjet dhe/ose hipotezat e kërkimit

### **b. Kontributi shkencor, praktik dhe më i gjerë**

- Paraqiten rezultatet e pritura të kërkimit dhe ndikimi i tyre i parashikuar shkencor, potenciali për zbulime të reja shkencore dhe për rinovimin e shkencës e të kërkimit.

Sipas nevojës, kërkimi i doktoratës duhet ta marrë në konsideratë ndikimin përtej akademisë duke përfshirë:

- Shtrirjen dhe vlerën e mundshme të shfrytëzimit të kërkimit përtej komunitetit shkencor, përfshirë këtu rëndësinë praktike të këtij kërkimi.
- Vlerësimin e vet aplikuesit lidhur me potencialin për ndikimin shoqëror në afat të gjatë apo të shkurtër.

## **Metodologjia kërkimore**

Seksioni për metodologjinë kërkimore duhet t'i elaborojë zgjedhjet dhe vendimet metodologjike kryesore, duke përfshirë, por pa u kufizuar në:

- Metodën kërkimore, të përshkruara në mënyrë të tillë që të shpjegohet se pse janë zgjedhur, si do të kontribuojnë në përgjigjen e pyetjeve të kërkimit/për testimin e hipotezave;
- Të dhënat që do të mblidhen në lidhje me pyetjet dhe/ose hipotezën e kërkimit. Në këtë seksion, kandidati duhet t'i

përpunojë instrumentet që do të përdoren për grumbullimin e të dhënave dhe konstruktet kryesore që ata do t'i reflektojnë. Duhet gjithashtu të theksohet se si do të zhvillohet instrumenti (i adaptuar nga diku tjetër ose i zhvilluar nga hulumtuesi dhe si). Kur flasim për instrumentet sasiore, kandidati duhet t'i adresojë karakteristikat matëse të instrumenteve dhe mënyrën se si do të maten.

- Mostrat, procesin dhe kornizën e mostrimit.
- Procesin që do të ndiqet për mbledhjen e të dhënave dhe për analizën e të dhënave, duke përfshirë mënyrën se si do të kryhen analizat cilësore dhe sasiore (llojet e testeve që do të kryhen).

### **Çështjet etike**

Kandidati duhet t'i përpunojë masat që ai do t'i ndërmarrë për t'i respektuar të gjitha standardet etike gjatë procesit të kryerjes së kërkimeve të tyre. Ky seksion i trajton çështjet e pëlqimit të informuar, anonimitetit të subjekteve, dispozitat për tërheqjen nga kërkimi, si dhe standarde të tjera të zbatueshme në lidhje me temën, metodat dhe të dhënat e zgjedhura.

### **Orari i realizimit**

Në këtë seksion, kandidati i përshkruan hapat që duhet të ndërmerren, si dhe kohën kur secili hap duhet të përfundojë. Orari mund të paraqitet edhe në formatin e tabelës.



## IV. ZBATIMI I KËRKIMIT TË DOKTORATËS

Proceset dhe fazat e kryerjes së kërkimit të doktoratës janë përshkruar pikërisht në Rregulloren qendrore të studimeve të doktoratës. Studentët duhet t'i shqyrtojnë me kujdes këta hapa dhe të punojnë me administratën e fakultetit për t'u siguruar se të gjithë hapat e nevojshëm janë plotësuar. Marrëdhëniet ndërmjet mentorit dhe bashkë-mentorit me studentët e doktoratës janë vendimtare për suksesin e studentëve në programin e doktoratës. Prandaj duhet të jetë e qartë se cilat janë pritjet e studentëve dhe veçanërisht të mentorëve dhe bashkë-mentorëve për t'i mbështetur studentët e doktoratës. Nga ana tjetër, duhet të jetë gjithashtu e qartë se kërkimi i doktoratës është punë individuale dhe e pavarur e studentëve, të cilët megjithatë duhet të mbikëqyren dhe të mbështeten në mënyrë adekuate.

Zbatimi i suksesshëm i kërkimit në nivel doktrate është i lidhur ngushtë me cilësinë e bashkëpunimit mes mentorit dhe studentit. Është kritike mbështetja e ofruar për studentin e doktoratës për të siguruar arritjen e standardeve minimale të përcaktuara për kërkim të doktoratës. Më poshtë është një elaborim më i hollësishëm i aranzhimeve të mentorimit dhe përgjegjësive të palëve të përfshira, si dhe standardeve që shërbejnë si udhëzues për vlerësimin e disertacionit të doktoratës në këtë program, që mund t'i udhëheqin studentët, mentorët dhe komisionet e vlerësimit për ta kryer punën e tyre.

### **1. Mentorimi**

Mentorët caktohen në bazë të rregullores së aplikueshme të universitetit për studimet e doktoratës. Studentët mund ta kenë edhe një bashkë-mentor për kërkimin e tyre dhe bashkë-mentori mund të jetë edhe nga jashtë Universitetit të Prishtinës. Bazuar në rregulloret e aplikueshme të universitetit dhe standardet ndërkombëtare, mentorët dhe bashkë-mentorët duhet t'i kenë të paktën tri referenca shkencore me recenzion ndërkombëtar. Përveç kësaj, sfondi i mentorit dhe i bashkë-mentorit duhet të jetë i lidhur me fushën e ngushtë të kërkimit të doktoratës.

## **Përgjegjësitë e mentorit**

Përgjegjësitë e mentorit dhe bashkë-mentorit janë:

- Sigurimi i udhëzimit të nevojshëm të studentëve gjatë procesit të hartimit të propozimit të kërkimit, si dhe kryerjes së kërkimit dhe shkrimit të disertacionit.
- Studentit t'i sigurohet një reagim konstruktiv, kritik dhe në kohë lidhur me kërkimin gjatë gjithë procesit të kërkimit dhe programit të studimeve të doktoratës;
- Përkrahja e studentëve në mundësitë për t'u angazhuar në forume të ndryshme ku ata mund t'i paraqesin kërkimet e tyre dhe të marrin reagime, duke përfshirë këtu edhe konferencat shkencore.
- Përkrahja e studentëve në botimin e artikujve në revista relevante si pjesë e përbushjes së kërkesave të programit të PhD-së.
- Sigurimi se disertacioni i doktoratës i respekton parimet e integritetit akademik dhe e shmang çdo praktikë plagjiature.
- Sigurimi i një raporti vjetor mbi ecurinë e studentit të doktoratës dhe sfidat që duhen adresuar.

## **Përgjegjësitë e studentëve të doktoratës**

Studentët e doktoratës duhet të kuptojnë se përparimi drejt plotësimit të kërkesave të tyre për shkallën e doktoratës është përgjegjësi e tyre individuale. Studentët e doktoratës janë përgjegjës:

- Për të mbajtur kontakt të vazhdueshëm me mentorin (dhe bashkë-mentorin) dhe të kërkojnë miratimin për çdo hap në kërkimit të doktoratës.
- Për të vepruar sipas këshillave të mentorëve në lidhje me studimet në përgjithësi dhe kërkimet në veçanti.
- Për pjesëmarrje në konferencat relevante kombëtare dhe ndërkombëtare në të cilat ata mund t'i paraqesin kërkimet e tyre.
- Për të qenë proaktivë në përbushjen e kërkesave të programit, duke përfshirë botimin e një artikulli me recension dhe prezantimin në konferenca ndërkombëtare.
- Për sigurimin e një raporti vjetor të përparimit të kërkimit dhe përfundimit të programit për këshillin e studimeve të doktoratës, siç është përcaktuar në Rregulloren qendrore të studimeve të doktoratës.

## 2. Vlerësimi i disertacionit të doktoratës

Procesi dhe fazat e vlerësimit janë elaboruar në Rregulloren e studimeve të doktoratës. Kriteret dhe udhëzimet e mëposhtme janë paraqitur si udhëzues për studentët, mentorët dhe komisionin e vlerësimit për t'i marrë si pika referimi në rolet e tyre. Komisionet e vlerësimit duhet t'i përmbahen standardeve të përgjithshme akademike të kryerjes së kërkimit të mirë dhe vlerësimit të disertacionit specifik kundrejt kriterëve. Anëtarët e komisionit duhet të diskutojnë dhe ta formojnë një opinion mbi vlerësimin për një disertacion të veçantë, por në rastet kur opinioni i një anëtarë ndryshon nga ai i anëtarëve tjerë të komisionit në mënyrë substanciale është e mundur që ky anëtar të vendosë që ta shkruajë një vlerësim të veçantë. Komisioni duhet të bëjë edhe komente duke ofruar komente narrative dhe argumente për disertacionin përkatës. Kriteret për vlerësim janë: 100 - 80 pikë të mundshme = “shumë mirë”, 79 - 65 pikë të mundshme = “mirë”; 64 - 50 pikë të mundshme = “kënaqshëm”; 49 dhe më pak pika të mundshme = “dështim”). Formulari i mëposhtëm përdoret nga anëtarët e komisionit të vlerësimit si mjet për paraqitjen e vlerësimit të tyre individual, që i shërben nevojave të plotësimit të raportit/formularit përfundimtar të Rregullores së studimeve të doktoratës (F10).

Kriteret	Vlerësimi			
	Shumë i mirë	I mirë	Kënaqshëm	Dështim
<p><i>Zgjedhja e temave dhe e problemeve kërkimore</i></p> <p>Ndërsa tema e disertacionit duhet të jetë e lidhur me kërkimet e mëparshme, disertacioni duhet gjithashtu të gjenerojë njohuri të reja. Mund të shërbejë edhe për ta hapur një linjë të re të kërkimit. Studimi duhet të definohet në mënyrë të qartë. Pyetjet e kërkimit duhet të formulohen në atë mënyrë që të jetë e mundur të ofrohen përgjigje në mënyrë të arsyeshme brenda fushëveprimit të studimit.</p>				

<p><i>Qartësia konceptuale dhe zotërimi teorik i temës</i> Konceptet duhet të jenë të qarta dhe autori duhet të demonstrojë se i zotëron teoritë që qëndrojnë prapa kërkimit dhe është në gjendje që ta konceptojë problemin e kërkimit.</p>				
<p><i>Shfrytëzimi i metodave</i> Metodatat duhet të jenë të bazuara mirë dhe t'i mundësojnë autorit që ta adresojë problemin e kërkimit. Shfrytëzimi i metodave të kërkimit duhet të jetë adekuat. Zgjedhja e metodave duhet të argumentohet dhe të dokumentohet mirë.</p>				
<p><i>Paraqitja e rezultateve</i> Rezultatet duhet të paraqiten në mënyrë të qartë dhe logjike. Analiza duhet të jetë logjike dhe e bazuar mirë. Autori duhet të përpiqet që të sigurojë se prezantimi i rezultateve të jetë i qëllimshëm dhe koherent, duke u përpjekur që ta gjejë mënyrën më efikase dhe më të sofistikuar për prezantimin e rezultateve përkatëse.</p>				
<p><i>Konkluzionet</i> Konkluzionet duhet të jenë sistematike dhe të bazuara mirë në lidhje me problemin e kërkimit, të dhënat dhe metodat e përdorura. Autori duhet t'i shmangë spekulimet dhe paragjykimet personale, ndërsa duhet të provohen lidhjet e qarta me të dhënat dhe literaturën. Konkluzionet duhet ta tregojnë kontributin shkencor të kërkimit.</p>				

<p><i>Disertacioni</i> si tërësi dhe standardi i gjuhës së përdorur Disertacioni duhet ta ketë një strukturë logjike me gjuhë të qartë. Teksti duhet të jetë koherent dhe logjik dhe të përqendrohet në gjërat thelbësore. Argumentimi duhet të rrjedhë në mënyrë logjike. Kërkuesi duhet të demonstrojë mendim kritik, origjinalitet dhe pavarësi.</p>				
---	--	--	--	--

### **Komentet për draftin e disertacionit**

Komentet dhe sqarimet lidhur me vlerësimin e mësipërm:

Nënshkrimi:

Data:

## **V. SIGURIMI I CILËSISË SË STUDIMEVE TË DOKTORATËS**

Shërbimi i studimeve të doktoratës është përgjegjës për menaxhimin e të dhënave dhe informatave për çdo student doktorate dhe për çdo grup, duke përfshirë procesin e pranimit dhe përparimin në të gjithë programin. Këshilli i studimeve të doktoratës e menaxhon procesin e vlerësimit të studimeve të doktoratës në baza vjetore, në këtë mënyrë e formon bazën për vetëvlerësim për qëllime riakreditimi.

Vetëvlerësimi bëhet në bazë të parametrave të mëposhtëm: cilësia e ligjëratave, cilësia e progresit në kërkim, cilësia e mentorimit dhe përkrahjes, cilësia e qasjes në literaturë, cilësia e bashkëpunimit ndërkombëtar në studimet e doktoratës, cilësia e përkrahjes nga administrata, etj.

Këshilli i studimeve të doktoratës i shfrytëzon instrumentet ekzistuese në Rregulloren qendrore të universitetit për studimet e doktoratës, si dhe i zhvillon instrumentet shtesë për grumbullimin e të dhënave, si dhe standardet dhe formatin e hartimit të raportit. Shqyrtimi i cilësisë do të bazohet kryesisht në raportin vjetor të studentëve të doktoratës dhe mentorëve e bashkë-mentorëve. Mbledhja e të dhënave shtesë të fokusuara të shqyrtimit të cilësisë do të menaxhohet në baza periodike, si dhe për nevojat e riakreditimit të programit. Këshilli i studimeve të doktoratës është gjithashtu përgjegjës për hartimin e raportit vjetor të cilësisë. Raporti i dorëzohet Menaxhmentit të Fakultetit dhe Këshillit të Fakultetit.

# SHTOJCAA: RREGULLORJA E UNIVERSITETIT PËR STUDIMET E DOKTORATËS

## RREGULLORE PËR STUDIMET E DOKTORATËS

### *Dispozitat e përgjithshme*

#### **Neni 1**

- (1) Me Rregulloren për studime të doktoratës në Universitetin e Prishtinës (në vazhdim: Rregullorja) rregullohet organizimi dhe realizimi i studimeve të doktoratës në Universitetin e Prishtinës (në vazhdim: Universiteti), institucioni përgjegjës për organizimin e studimeve (në vazhdim: institucioni përgjegjës i studimeve), format dhe kohëzgjatja e studimeve, kriteret për regjistrimin në studime, mënyra e realizimit të studimeve, mësimi dhe hulumtimi, procedura e paraqitjes, e vlerësimit dhe e mbrojtjes së punimit të doktoratës, të drejtat dhe obligimet e studentit në studime të doktoratës (në vazhdim: doktoranti), të drejtat dhe obligimet e mentorit, mënyrat e sigurimit të cilësisë, si dhe çështjet e tjera që kanë të bëjnë me organizimin dhe realizimin e studimeve të doktoratës.
- (2) Me këtë Rregullore përcaktohen kriteret e domosdoshme për aktivitetet e përmendura në paragrafin 1 të këtij neni.

#### **Neni 2**

Kuptimi i nocioneve sipas kësaj Rregulloreje:

- (1) Këshilli i studimeve të doktoratës, në nivel të njësisë akademike (fakultetit), është këshilli i studimeve të doktoratës i njësisë akademike, ndërsa në nivel të Universitetit është Këshilli qendror i studimeve të doktoratës.
  1. Këshilli i studimeve të doktoratës i njësisë akademike

përbëhet nga 5 ose 7 anëtarë nga radhët e profesorëve nga secili departament i njësisë akademike. Mbledhja e parë (konstituive) ftohet dhe udhëhiqet nga dekani i njësisë akademike. Pas konstituimit të këshillit të studimeve të doktoratës, ai nga radhët e veta e zgjedh kryetarin.

2. Këshilli qendror i studimeve të doktoratës ka këtë përbërje:
  - Rektori;
  - Prorektori për kërkime shkencore;
  - Prorektori për mësim;
  - Një përfaqësues nga Akademia e Shkencave dhe e Arteve të Kosovës;
  - Një profesor i rregullt ose një profesor i asocuar nga lëmi i shkencave shoqërore;
  - Një profesor i rregullt ose një profesor i asocuar nga lëmi i shkencave humanistike;
  - Një profesor i rregullt ose një profesor i asocuar nga lëmi i shkencave teknike;
  - Një profesor i rregullt ose një profesor i asocuar nga lëmi i arteve;
  - Një profesor i rregullt ose një profesor i asocuar nga lëmi i shkencave matematike-natyrore;
  - Një profesor i rregullt ose një profesor i asocuar nga lëmi i mjekësisë;
  - Një profesor i rregullt ose një profesor i asocuar nga lëmi i shkencave të bujqësisë dhe veterinës;
  - Një profesor i rregullt ose një profesor i asocuar nga lëmi i shkencave juridike;
  - Një profesor i rregullt ose një profesor i asocuar nga lëmi i shkencave ekonomike;
  - Një profesor i rregullt ose një profesor i asocuar nga lëmi i edukimit fizik dhe sportit;
  - Drejtori i Zyrës për Zhvillim Akademik (ZZHA) – pa të drejtë vote.
3. Anëtarët e Këshillit qendror të studimeve të doktoratës i



propozon rektori dhe i zgjedh Senati.

4. Këshilli qendror i studimeve të doktoratës kryesohet nga rektori. Në mungesë të tij/saj, Këshilli kryesohet nga prorektori për kërkime shkencore. Në rastin e votave të barabarta, vota e kryesuesit është përcaktuese.
- (3) Institucioni përgjegjës i studimeve është një ose më shumë njësi akademike, një ose më shumë universitete brenda dhe jashtë vendit, të cilat i organizojnë dhe i realizojnë studimet e doktoratës, dhe të cilat e përfundojnë procedurën e arritjes së doktoratës shkencore/artistike.
- (4) Udhëheqësi i programit të studimeve të doktoratës është i punësuar me titull shkencor-mësimor, artistik-mësimor ose me titull shkencor në njësinë akademike në të cilën zhvillohen studimet.
- (5) Mentori është personi i emëruar me titull shkencor-mësimor ose artistik-mësimor, i cili e udhëheq doktorantin gjatë punimit të disertacionit të doktoratës.
- (6) Dosja e doktorantit është dosja e cila i përmban të gjitha shënimet qenësore të doktorantit prej momentit të pranimit të tij e deri te promovimi. Njësia akademike përkatëse është përgjegjëse për mbledhjen dhe për ruajtjen e të dhënave në dosje.

### Neni 3

- (1) Studime të doktoratës ofrojnë njësitë akademike (*fakultetet*) dhe/ose universiteti/universitetet në një a më shumë lëmenj shkencorë, nëse kanë kontratë të nënshkruar për marrëdhënie pune me orar të plotë, me më së paku gjysmën e numrit të arsimtarëve të angazhuar në atë program studimi.
- (2) Studimet e doktoratës mund të themelohen dhe të realizohen vetëm në ata lëmenj shkencorë në të cilët institucioni përgjegjës ka arritje të pranuar ndërkombëtare në kërkimet shkencore ose artistike, përkatësisht në krijimtarinë artistike, e që konfirmohet me akreditimin e tyre nga Agjencia Kosovare e Akreditimit (AKA).

- (3) Me studimet e doktoratës udhëheq këshilli i studimeve të doktoratës (në vazhdim: Këshilli i studimeve të doktoratës në njësinë përkatëse akademike).
- (4) Karakteristikat themelore të studimeve të doktoratës në Universitet janë hulumtimi dhe të mësuarit nëpërmjet hulumtimit, ndërkombëtarizimi, transparenca, vlerësimi ndërkombëtar i cilësisë dhe konkurrenca ndërkombëtare.
- (5) Me qëllim të sigurimit të cilësisë dhe nxitjes së lëvizshmërisë/mobilitetit të doktorantëve dhe të stafit akademik, studimet e doktoratës janë të hapura për çdo formë të bashkëpunimit me institucione të ngjashme brenda dhe jashtë vendit.

### ***Qëllimet e studimeve të doktoratës***

#### **Neni 4**

Qëllimet e studimeve të doktoratës janë:

1. Krijimi i diturive, i njohurive dhe i praktikave artistike të reja dhe relevante, si dhe zbatimi i tyre;
2. Arsimitimi i hulumtuesve dhe i studiuesve të dalluar në fusha të caktuara shkencore ose artistike;
3. Aftësimi i doktorantëve për punë të pavarur kërkimore/artistike, për hulumtime të pavarura dhe për vlerësime kritike të punës së të tjerëve.
4. Arritja e diturive, përvojave dhe shkathtësive, të cilat duhet t'u mundësojnë doktorëve të shkencave që, në mënyrë kreative dhe të mbështetur në hulumtime, të ofrojnë kontribut origjinal dhe domethënës në fushat përkatëse të dijes;
5. Ndërkombëtarizimi i punës kërkimore/artistike në Universitet.

## **Mësimi dhe hulumtimi në studimet e doktoratës**

### **Neni 5**

- (1) Komponenti thelbësor i studimeve universitare të doktoratës është kërkimi dhe krijimi shkencor/artistik.
- (2) Format e punës në studimet e doktoratës janë seminarët kërkimore, puna eksperimentale, punëtoritë dhe grupet e diskutimit, me qëllim të zhvillimit të punës kërkimore, mendimit kritik, përvetësimit të metodologjisë dhe shkathtësive të përgjithshme.
- (3) Mësimi në formë të ligjëratave nuk mund të kalojë 20 përqindëshin e ngarkesës së përgjithshme të paraparë me programin e studimeve dhe të llogaritur sipas sistemit evropian të transferimit të krediteve (ECTS).
- (4) Sipas mundësive dhe në bazë të kushteve të përcaktuara paraprakisht, ndjekja e mësimëve në studimet e doktoratës është e hapur për të gjithë doktorantët e Universitetit. Disa pjesë të kërkimeve dhe të mësimit në studimet e doktoratës mund të ndiqen edhe nga doktorantët e universiteteve të tjera, sipas kushteve të parapara në kontratën paraprakisht të nënshkruar ndërmjet universiteteve në fjalë.
- (5) Me qëllim të arritjes së interdisiplinaritetit dhe në bazë të arsyetimit dhe pëlqimit të mentorit, si dhe të pëlqimit të këshillit të studimeve të doktoratës, doktorantët mund të kryejnë pjesë të caktuara të kërkimit dhe të krijimtarisë artistike edhe në njësitë e tjera akademike të Universitetit ose në institucione të tjera përkatëse brenda dhe jashtë vendit.
- (6) Këshilli i studimeve të doktoratës mund t'u caktojë doktorantëve lëndë plotësuese për arritjen e diturive themelore, të domosdoshme për vijimin dhe përfundimin e studimeve.

## **Format e studimeve të doktoratës**

### **Neni 6**

- (1) Studimet e doktoratës mund të organizohen në njërin prej këtyre formave:
1. Studimet e doktoratës për të cilat institucion përgjegjës është vetëm një njësi akademike ose Universiteti;
  2. Doktorata e dyfishtë, në të cilin doktoranti i merr dy diploma dhe për të cilën është i obliguar edhe mentorimi i dyfishtë;
  3. Studimet e përbashkëta të cilat i realizojnë dy a më shumë universitete, por vetëm një universitet është institucion përgjegjës;
  4. Modeli në të cilin doktoranti i regjistron studimet në një universitet dhe merr diplomën e institucionit përgjegjës të studimeve, ndërsa kërkimet i kryen në më shumë institucione dhe mund të ketë më shumë mentorë;
  5. Studimet e përbashkëta janë program i akredituar i dy ose më shumë universiteteve. Secili universitet merr pjesë në regjistrimin e doktorantëve, ndërsa doktoranti mund të fitojë diplomë të vetme të dy ose më shumë universiteteve, ose diplomën e universitetit në të cilin i ka regjistruar studimet e doktoratës, e në të cilën shkruan se studimet kanë qenë të përbashkëta.
- (2) Nuk lejohet transferimi i studimeve të doktoratës nga një njësi akademike në tjetrën brenda Universitetit të Prishtinës, e as nga universitetet e tjera në Universitetin e Prishtinës. Studentët pranohen vetëm në bazë të konkurrimit në konkursin e shpallur.

## ***Kushtet e regjistrimit dhe kohëzgjatja e studimeve***

### **Neni 7**

- (1) Kushtet e regjistrimit i përcakton Senati i Universitetit, me

propozimin e KQSD-së dhe në pajtim me këtë Rregullore.

(2) Konkursi publik për regjistrim në studime të doktoratës shpallet më së paku një muaj para fillimit të vitit akademik. Të drejtë konkurrimi për regjistrim në studimet e doktoratës kanë:

1. Të diplomuarit para hyrjes në fuqi të studimeve sipas Deklaratës së Bolonjës, të cilët duhet të jenë magjistra të shkencës përkatëse;
2. Të diplomuarit pas hyrjes në fuqi të studimeve në bazë të deklaratës së Bolonjës – niveli i studimeve master shkencor;
3. Të diplomuarit që kanë së paku 300 kredite European Credit Transfer System (ECTS);
4. Kandidatët me notë mesatare jo më të ulët se 8.00 në secilin nivel të studimeve paraprake veç e veç;
5. Kandidatët të cilët e kanë dëshminë për njohjen e një gjuhe të huaj botërore (anglisht, gjermanisht, frëngjisht ose gjuhë tjetër botërore) nga institucioni i autorizuar (fakulteti përkatës ose institucionet e akredituara).

(3) Kriteret e vlerësimit të kandidatëve përfshijnë: suksesin në shkollim gjatë studimeve, interesin e treguar për kërkime shkencore/artistike, punimet e botuara, rekomandimet e dy profesorëve nga lëmi përkatës dhe propozimin e lëmit – fushës së hulumtimit. Intervista me kandidatin është obliguese, por nuk vlerësohet me pikë. Gjatë regjistrimit përcaktohen qartë të gjitha kushtet e domosdoshme për përfundimin e studimeve në kohën e paraparë.

(4) Kriteret e përcaktimit të përparësisë në radhitje përzgjedhëse janë:

1. Nota mesatare gjatë studimeve themelore dhe Master ka një vlerë maksimale prej 40 pikëve (që shpërndahet përpjestimisht: 20 pikë maksimale për notën mesatare në studime themelore dhe 20 pikë maksimale për notën mesatare në studime Master), të cilat pikë llogariten në mënyrën si në vijim:

a. Nota mesatare 8 – 8.50: 5 pikë

b. Nota mesatare 8:51 – 9.00: 10 pikë

- c. Nota mesatare 9:01 – 9.50: 15 pikë
- d. Nota mesatare 9.51 – 10.00: 20 pikë
- 1. Magjistratura ose Masteri nga lëmi shkencor ose specializimi nga lëmi i ngushtë shkencor vlerësohet me 5 pikë;
- 2. Aktiviteti kërkimor – shkencor, siç dëshmohet me botimet dhe prezantimet si në vijim, vlerësohet me një vlerë maksimale deri në 35 pikë:
  - a. Për çdo artikull të publikuar në pesë vjetët e fundit dhe të indeksuar në Current Contents: autori i parë/ korrespondent 5 pikë, të tjerët 2 pikë.
  - b. Për çdo artikull të botuar në pesë vjetët e fundit në revista të tjera ndërkombëtare të indeksuara: autori i parë 3 pikë, të tjerët 1 pikë.
  - c. Për çdo artikull të publikuar në pesë vjetët e fundit në revista akademike vendëse, që botohen nga Universiteti i Prishtinës ose nga qendrat apo institutet e tij, nga Akademia e Shkencave dhe e Arteve të Kosovës, nga Instituti Albanologjik dhe nga Instituti i Historisë, dhe që përdorin vlerësimin ose vlerësimin nga kolegët e fushës: autori i parë 2 pikë, të tjerët 1 pikë.
  - d. Për libër universitar të botuar në pesë vjetët e fundit nga lëmi i ngushtë: autori ose bashkautori 5 pikë gjithsej.
  - e. Për çdo prezantim gojor të punimit në pesë vjetët e fundit në tubime (konferenca, kongrese, simpoziume) ndërkombëtare shkencore të indeksuara dhe të botuar në përmbledhjen e punimeve: autori i parë 2 pikë, të tjerët 1 pikë.
  - f. Për çdo prezantim në formë afisheje të punimit në pesë vjetët e fundit në tubime (konferenca, kongrese, simpoziume) ndërkombëtare shkencore të indeksuara dhe të botuar në përmbledhjen e punimeve: autori i parë 1 pikë, të tjerët 0.5 pikë.

- g. Për çdo prezantim gojor në pesë vjetët e fundit në tubime (konferenca, kongrese, simpoziume) shkencore me karakter vendës: autor i parë 1 pikë, të tjerët 0.5 pikë.
3. Njohuria e gjuhës angleze ose gjuhës së huaj botërore, relevante për fushën e studimit, deri në 20 pikë maksimale.
  4. Njësitë akademike mund të parashtrojnë për miratim nga Senati kritere shtesë, varësisht nga programi i studimeve të doktoratës.
  5. Në kushte të barabarta, përparësi i jepet kandidatit që është staf i rregullt i UP-së.
- (1) Njësitë akademike e propozojnë numrin e studentëve për regjistrim, ndërsa Senati, me propozimin e Këshillit qendror të studimeve të doktoratës e merr vendimin përfundimtar për numrin e studentëve, duke pasur parasysh kapacitetet hulumtuese, mësimore dhe mentoriale të njësisë akademike.
  - (2) Senati i Universitetit, me propozimin e njësisë akademike dhe pas shqyrtimit në Këshillin qendror të studimeve të doktoratës, merr vendim përfundimtar për pranimin e studentëve në studimet e doktoratës. Emrat e kandidatëve të pranuar, me të gjitha të dhënat e kritereve të përzgjedhjes, shpallen publikisht në uebfaqen e njësisë akademike dhe në uebfaqen e Universitetit.
  - (3) Studimet e doktoratës zgjasin jo më pak se tre vjet, por, për shkaqe të arsyeshme, e për të cilat vendos Këshilli i studimeve të doktoratës, mund të vazhdojnë deri në pesë vjet. Për studentët që e kanë mbaruar magjistraturën shkencore dhe të cilët vazhdojnë studime të doktoratës në lëmin e njëjtë mund të transferojnë deri në 1/3 e numrit të përgjithshëm të kredive të parapara. Për transferimin e kredive vendos Këshilli i doktoratës i njësisë akademike, në bazë të kërkesës së kandidatit. Pas kalimit të afatit prej pesë vjetësh nga dita e regjistrimit, doktoranti e humb të drejtën për mbrojtje të punimit të doktoratës, përveç nëse Senati i UP-së, me propozim të KQSD-së dhe duke u bazuar në një arsyetim të dëshmuar të kandidatit, merr vendim tjetër.
  - (4) Në rast se cilësia e punimit të doktoratës, e vlerësuar me raportet

vjetore të progresit, të cilat i zbaton këshilli i studimeve të doktoratës i njësisë akademike, nuk i plotëson kriteret e parapara, këshilli i studimeve të doktoratës i njësisë akademike mund t'i propozojë KQSD-së, e ky Senati, të marrë vendim që doktorantit t'ia marrë të drejtën për t'i vazhduar studimet.

## **Fazat e studimeve të doktoratës**

### **Neni 8**

Studimet e doktoratës organizohen në gjashtë semestra:

1. Në semestrin e parë studenti i akumulon 30 ECTS nga provimet e lëndëve profesionale nga fusha e ngushtë e drejtimit të cilin e ka regjistruar.
2. Në semestrin e dytë, studenti i akumulon 30 ECTS nga seminarët e gruplëndëve të parapara në programin studimor.
3. Në semestrin e tretë studenti i grumbullon 30 ECTS pas vlerësimit pozitiv dhe ratifikimit të projekt-propozimit të doktoratës nga ana e këshillit të doktoratës së njësisë akademike dhe Këshillit qendror për studime të doktoratës, si dhe aprovimit të mentorit nga Senati i Universitetit.
4. Në tre semestrat e mbetur, studenti akumulon 90 ECTS përmes:
  - Së paku një publikimi shkencor të një pjese të rezultateve të doktoratës në një revistë të indeksuar (shih revistat e caktuara nga njësitë akademike) me recension ndërkombëtar nga lëmi përkatës (20 ECTS);
  - Së paku dy prezantimeve në tubime shkencore (konferenca, kongrese, etj.), prej të cilave njëra me karakter ndërkombëtar (10 ECTS);
  - Përfundimit dhe mbrojtjes publike të punimit të doktoratës (60 ECTS).



## **Mentorimi**

### **Neni 9**

- (1) Të drejtë për të udhëhequr kandidat për doktoratë ka:
  1. Mësimdhënësi me titull akademik profesor i rregullt (prof. dr.) ose profesor i asocuar (prof. asoc.), që është në marrëdhënie të rregullt pune në UP;
  2. Përrjashtimisht, me kërkesë të Këshillit të Fakultetit, për mentor mund të angazhohet edhe mësimdhënësi me titull akademik profesor asistent (prof. ass.) nëse ka së paku tri (3) punime të botuara në revista me recension ndërkombëtar. Dëshmia për publikimin e punimeve duhet të sillet në Këshillin qendror të studimeve të doktoratës;
  3. Mentor, në rast të veçantë, mund të jetë edhe *profesor emeritus*, ndërsa vendimin për këtë e merr Senati, me propozim të këshillit të doktoratës të njësisë akademike në kuadër të së cilës organizohen studimet ose të këshillit të lëmit shkencor.
- (2) Mentori, pa përjashtim, duhet të jetë nga fusha e ngushtë shkencore nga e cila përgatitet doktorata.
- (3) Nëse ka bashkëmentor të jashtëm, ai/ajo duhet ta dorëzojë paraprakisht një CV dhe një letër pëlqimi në këshillin e doktoratës së njësisë akademike.
- (4) Një mentor mund ta marrë për udhëheqje më së shumti dy kandidatë të regjistruar brenda një viti akademik, por jo më shumë se pesë kandidatë njëkohësisht.
- (5) Para se ta marrë detyrën e mentorit për herë të parë, atëherë kur Universiteti e konsideron të nevojshme, secili mentor duhet ta kalojë punëtorinë e mentorimit, të cilën e organizon Universiteti.
- (6) Mësimdhënësi i një njësie akademike të Universitetit të Prishtinës (UP) mund të jetë mentor në ndonjë universitet tjetër, nëse ka miratim me shkrim nga njësia akademike.
- (7) Për mentor nuk mund të propozohet profesori i pensionuar.

- (8) Mentori i cili është emëruar në këtë funksion para se të pensionohet ka të drejtë ta kryejë mentorimin deri në fund.
- (9) Për të siguruar cilësi të punimit të doktoratës, në rast se është nevoja (p.sh. hulumtimi ndërdisiplinor, zhvillimi i kërkimit apo i krijimit artistik në disa institucione), këshilli i studimeve të doktoratës i njësisë akademike i propozon KQSD-së, e ky Senatit, për të marrë vendim për mentorim të dyfishtë.

### ***Obligimet e mentorit***

#### **Neni 10**

- (1) Mentori e ka obligim ta udhëheqë doktorantin gjatë punës së punimit të doktoratës, ta përcjellë cilësinë e punës së doktorantit, ta përkrahë publikimin e punimeve të tij dhe pjesëmarrjen në projekte shkencore dhe artistike.
- (2) Në rast se janë disa mentorë, secili prej tyre i mban përgjegjësitë e veta për pjesën e hulumtimit, paraprakisht të përcaktuar dhe për procedurën e punës në punimin e doktoratës.
- (3) Mentori ka obligim që një herë në vit t'i paraqesë raport për punën e doktorantit këshillit për studime të doktoratës të njësisë akademike, në formular të Universitetit.

### ***Obligimet dhe të drejtat e doktorantit***

#### **Neni 11**

- (1) Doktoranti është i obliguar që një herë në vit, në formular të Universitetit, t'ia paraqesë këshillit të studimeve të doktoratës raportin për punën e tij (me mundësi të prezantimit të hulumtimit).
- (2) Doktoranti ka të drejtë që vetëm një herë gjatë studimeve ta ndërrojë mentorin ose temën, në bazë të kërkesës me shkrim, si dhe të deklaratës së mentorit të deriatëhershëm, në formular të Universitetit.

- (3) Doktoranti është i obliguar që, para mbrojtjes së punimit të doktoratës, të ketë të botuar së paku një publikim shkencor si autor i parë i një pjese të rezultateve të doktoratës në një revistë të indeksuar (shih revistat e caktuara nga njësitet akademike) me recension ndërkombëtar nga lëmi përkatës, të ketë së paku dy prezantime në tubime shkencore (konferenca, kongrese, etj.), prej të cilave njëra me karakter ndërkombëtar e në të cilin është autor i parë ose i dytë, me kusht që (a) autori i parë të jetë mentori i tij, dhe që ky prezantim të bëhet nga vetë kandidati, ose të ketë promovim publik të veprës artistike në hapësira publike. Çdo punim mund ta kualifikojë vetëm një doktorant.

### ***Punimi i doktoratës***

#### **Neni 12**

- (1) Punimi i doktoratës është punim origjinal shkencor/artistik, i cili i nënshtrohet vlerësimit publik shkencor/artistik.
- (2) Përjashtim nga kjo procedurë janë punimet e veçanta të doktoratës, siç i parashikon neni 18 i kësaj Rregulloreje.

#### **Neni 13**

Format e punimit të doktoratës janë:

- (1) Monografia;
- (2) Punimi i doktoratës në lëmin artistik është hulumtim artistik origjinal në kontekst të krijimtarisë bashkëkohore artistike dhe mbaron me prezantimin e veprës artistike dhe me një punim teorik adekuat.

#### **Neni 14**

- (1) Punimi i doktoratës duhet të jetë i shkruar në gjuhën shqipe. Në raste të veçanta ai mund të shkruhet edhe në ndonjë gjuhë tjetër, por detyrimisht të dorëzohet i përkthyer edhe në gjuhën shqipe.

- (2) Titulli, rezymeja dhe fjalët kyçe të punimit të doktoratës, përveç në gjuhën burimore, duhet të jenë të shkruara patjetër edhe në gjuhën shqipe dhe në gjuhën angleze. Rezymeja duhet të mundësojë të kuptuarit e qëllimit të punimit, metodave të hulumtimit, rezultateve dhe përfundimeve.
- (3) Pamja grafike e punimit të doktoratës përcaktohet nga Universiteti.

***Procedura e paraqitjes, e vlerësimit dhe e pranimit të temës (projektit) së kërkimit të doktoratës***

**Neni 15**

- (1) Gjatë vitit të parë të studimeve të doktoratës, doktoranti e propozon mentorin dhe temën, si dhe paramarrëveshjen e kushteve të punës dhe kushtet e financimit të hulumtimit.
- (2) Doktoranti e fillon procedurën e paraqitjes së projekt-propozimit të temës së doktoratës me dorëzimin e fletëparaqitjes, e cila i përmban shënimet personale të doktorantit, jetëshkrimin dhe titullin e temës së propozuar, të dhënat për mentorin e propozuar dhe kompetencat e tij, arsyetimin e temës dhe pritjet e kontributit shkencor origjinal të hulumtimit të propozuar, vlerësimin e shpenzimeve të hulumtimit, si dhe deklaratën se nuk ka paraqitur punim doktrate me të njëjtën temë në studime të tjera universitare, përkatësisht në ndonjë universitet tjetër. Tema e punimit të doktoratës paraqitet në formular të Universitetit.
- (3) Këshilli i njësisë akademike, me propozim të Këshillit të studimeve të doktoratës, e emëron komisionin për vlerësimin e temës dhe e miraton propozimin për mentorin në afat prej një muaji nga data e protokollimit të kërkesës së parashtruar. Ky komision përbëhet prej tre ose pesë anëtarëve, nga të cilët së paku një anëtar nuk duhet të jetë mësimdhënës i studimeve në fjalë e as i punësuar në njësinë akademike (fakultetin), e cila është përgjegjëse e studimeve. Mentori i propozuar nuk mund të emërohet për kryetar të komisionit.

- (4) Komisioni për vlerësimin e temës e jep vlerësimin për kontributin shkencor/artistik origjinal dhe për zbatimin e kërkimit në pikëpamje financiare dhe organizative, më së largu një muaj pas paraqitjes së kërkesës.
- (5) Këshilli i studimeve të doktoratës i njësisë akademike duhet doemos ta shqyrtojë propozimin e komisionit për vlerësim të temës dhe propozim të mentorit në semestrin e tretë të studimeve të doktoratës.
- (6) Projekt-propozimi i punimit të doktoratës mbrohet para këshillit të studimeve të doktoratës të njësisë akademike, para komisionit për vlerësim dhe mentorit të propozuar, 30 ditë pas dorëzimit të raportit të komisionit për vlerësim.
- (7) Këshilli i njësisë akademike, me propozim të këshillit të studimeve të doktoratës, ia propozon temën dhe mentorin për miratim Senatit të Universitetit. Senati duhet ta aprovojë temën dhe mentorin më së largu një muaj nga pranimi i kërkesës nga njësia akademike.
- (8) Të gjitha hulumtimet shkencore në njerëz dhe me njerëz, ose me shtazë, doemos duhet të jenë në pajtim me dispozitat e Rregullores së këshillit etik, duhet ta kenë lejen e këshillit etik të fakultetit apo Universitetit, si dhe të institucionit në të cilin zbatohet hulumtimi; pëlqimin e të gjithë të hulumtuarve veç e veç (pacientëve, përkatësisht vullnetarëve), nëse janë në gjendje të aftë ta bëjnë këtë, përkatësisht të kujdestarëve të tyre ose të përfaqësuesit ligjor të tyre.

### ***Procedura e vlerësimit të punimit të doktoratës***

#### **Neni 16**

- (1) Punimin e doktoratës, me pëlqimin dhe mendimin e mentorit të shkruar dhe të nënshkruar për hulumtimin e kryer dhe kontributin e arritur shkencor origjinal, doktoranti e dorëzon zyrtarisht në fakultet ose në Universitet (nëse studimet organizohen në nivel universiteti). Në rast se mentori nuk dëshiron të japë pëlqimin, ka

obligim që brenda 15 ditësh të japë me shkrim arsyetimin. Pas kësaj periudhe, në afat prej 15 ditësh pas dorëzimit të arsyetimit të mentorit, këshilli për studime të doktoratës i njësisë akademike e shqyrton arsyetimin e mentorit dhe i propozon këshillit të njësisë akademike formimin ose refuzimin e emërimit të komisionit për vlerësimin e punimit të doktoratës. Në të dyja rastet, arsyetimi i mentorit u jepet anëtarëve të komisionit për vlerësimin e punimit të doktoratës, të cilët do ta kenë parasysh gjatë vlerësimit.

- (2) Para se të dorëzohet punimi në procedurë për vlerësim, shërbimi i studimeve të doktoratës i njësisë akademike duhet ta vërtetojë me shkrim se doktoranti i ka kryer të gjitha obligimet, ashtu siç është paraparë me programin e studimeve të doktoratës.
- (3) Për vlerësimin e punimit doktoranti e paraqet punimin në formë të shkruar në letër dhe në formë elektronike. Te veprat artistike të doktorantit, pos prezantimit publik, doktoranti e dorëzon edhe pjesën teorike dhe dokumentacionin përkatës për vlerësimin e punimit.
- (4) Këshilli i njësisë akademike, me propozim të këshillit të studimeve të doktoratës, e emëron komisionin për vlerësimin e punimit të doktoratës. Komisioni i ka tre ose pesë anëtarë, me përfshirje të së paku një anëtari nga ndonjë universitet jashtë Kosovës. Mentori nuk mund të jetë anëtar i komisionit për vlerësimin e punimit.
- (5) Anëtarët e komisionit për vlerësimin e punimit të doktoratës patjetër duhet të kenë së paku titullin akademik profesor asistent (prof. ass.).
- (6) Njëherazi me emërimin e komisionit për vlerësimin e punimit të doktoratës, Universiteti e shpall titullin dhe rezyrenë e punimit në gjuhën shqipe dhe angleze në faqet e internetit të Universitetit dhe në këtë mënyrë mundëson që punimi t'i nënshtrohet kritikës shkencore dhe profesionale.
- (7) Anëtarët e komisionit për vlerësimin e punimit të doktoratës dhe të gjithë ata të cilëve u është mundësuar shqyrtimi i punimit të doktoratës janë të obliguar që, para se të paraqitet publikisht vlerësimi, të kenë kujdes me të dhënat dhe të arriturat në punimin në fjalë, me qëllim të ruajtjes të kontributit shkencor të punimit të

doktoratës si pronë intelektuale.

- (8) Komisioni për vlerësimin e punimit të doktoratës është i obliguar që brenda një muaji nga emërimi ta përpilojë raportin e shkruar për vlerësimin e punimit të doktoratës. Kryetari i komisionit e përgatit raportin, duke i pasur parasysh mendimet me shkrim të anëtarëve të komisionit, ndërkaq raportin e nënshkruajnë të gjithë anëtarët e komisionit. Çdo anëtar i komisionit ka të drejtë të japë vlerësim të veçantë.
- (9) Komisioni për vlerësimin e punimit të doktoratës propozon:
1. pranimin e punimit të doktoratës me deklaratë eksplicite për kontributin origjinal shkencor/artistik, ose
  2. plotësimin e punimit të doktoratës dhe vlerësimin përfundimtar, ose
  3. refuzimin e punimit të doktoratës, pas së cilës doktoranti e humb të drejtën e arritjes së gradës doktor shkence/artistike me atë studim.

Arsyetimi është pjesë e domosdoshme e raportit. Në seancën e parë të radhës, këshilli i njësisë akademike, me propozimin e komisionit të studimeve të doktoratës, i propozon Senatit emërimin e komisionit për mbrojtje publike të punimit të doktoratës.

### ***Procedura e mbrojtjes të punimit të doktoratës***

#### **Neni 17**

- (1) Doktoranti mund t'i nënshtrohet mbrojtjes së punimit të doktoratës, pasi Këshilli i njësisë akademike ta ketë miratuar vlerësimin pozitiv të komisionit për vlerësimin e punimit/dorëshkrimin të doktoratës, i cili duhet të ratifikohet nga Senati brenda një afati prej dy muajsh nga data e dorëzimit në KQSD.
- (2) Doktoranti, në marrëveshje me dekanin e njësisë akademike dhe me komisionin për mbrojtje të punimit të doktoratës, detyrimisht duhet ta bëjë mbrojtjen publike të punimit të doktoratës brenda

- afatit prej një (1) muaji nga dita e ratifikimit në Senat.
- (3) Komisioni për mbrojtje të punimit të doktoratës përbëhet nga tre apo pesë anëtarë. Komisioni për mbrojtje të punimit të doktoratës mund të jetë në përbërje të njëjtë si komisioni për vlerësimin e punimit të doktoratës, përveç mentorit. Mentori merr pjesë në mbrojtje të punimit të doktoratës në anën e doktorantit, mirëpo nuk ka të drejtë në vendimmarrje.
- (4) Mbrojtja e punimit të doktoratës është publike. Thirrja për mbrojtje publike duhet të shpallet në hapësirat e njesisë akademike, në faqen zyrtare të internetit të njesisë akademike dhe të Universitetit, së paku tetë ditë para mbrojtjes. Mbrojtja duhet të organizohet në hapësirën e Universitetit, gjegjësisht të njësive të saj, në gjuhën në të cilën është shkruar punimi i doktoratës. Në rast të doktoratave të përbashkëta, mbrojtja mund të organizohet në universitet tjetër. Procedura e mbrojtjes rregullohet me protokoll.
- (5) Komisioni për mbrojtje të punimit të doktoratës e bën vlerësimin menjëherë pas mbrojtjes publike të punimit të doktoratës. Vlerësimi i mbrojtjes së punimit të doktoratës mund të jetë:
- e mbrojtja me sukses të shkëlqyeshëm, shumë mirë, mirë (me vlerësim pikësh 100 - 80 të mundshme = “shumë mirë”; 79 – 65 pikë të mundshme = “mirë”; 64 – 50 të mundshme = “mjaftueshëm”; 49 e më pak pikë të mundshme = “pakalueshëm”), ose nuk e mbrojtja.
- Vendimi merret me shumicë votash të anëtarëve të komisionit për mbrojtje të punimit të doktoratës, të konstatuara me nënshkrimin e tyre. Disertacioni, i cili nuk e ka kaluar mbrojtjen, mund të ripunohet dhe të paraqitet për mbrojtje për herë të dytë, pas një periudhe prej 1 deri 2 vjetësh, pas së cilës humbet e drejta për rimbrotje.
- (6) Për procedurën e mbrojtjes përpilohet procesverbali në gjuhën shqipe, e në rast se mbrojtja bëhet në gjuhë tjetër, procesverbali përpilohet edhe në atë gjuhë.



## **Neni 18**

- (1) Në rast se rezultatet e hulumtimit të punimit të doktoratës përbëjnë gjëra të reja të mundshme për mbrojtje me të drejtat e pasurisë intelektuale, doktoranti dhe mentori për këtë e informojnë Shërbimin për transferim teknologjik të Universitetit ose të Komisionit qendror të studimeve të doktoratës. Në këtë rast, doktoranti, me pëlqim të mentorit, para se ta dorëzojë punimin e doktoratës për vlerësim, mund të bëjë kërkesë që me doktoratën e dorëzuar të veprohet në mënyrë diskrete, deri në momentin e mbrojtjes publike.
- (2) Shërbimi për transferim teknologjik ose Komisioni qendror i studimeve të doktoratës e zbaton procedurën për mbrojtje juridike dhe komerciale të rezultateve të hulumtimit, në pajtueshmëri me Rregulloren mbi shërbimin për transferim teknologjik. Në këtë rast, mbrojtja publike mund të shtyhet, në pajtim me doktorantin, më së largu për një vit, duke e llogaritur ditën e fillimit të procedurës së vlerësimit të punimit të doktoratës. Kërkesës për shtyrje të mbrojtjes publike duhet t'i bashkëngjitet vërtetimi i Shërbimit për transferim teknologjik.
- (3) Procedura e gjithmbarshme e vlerësimit dhe e mbrojtjes, në rast se veprohet sipas alineve 1 dhe 2 të këtij neni, përcaktohet me akt të posaçëm të Universitetit.

### ***Publikimi dhe ruajtja e punimit të doktoratës***

## **Neni 19**

- (1) Punimi i doktoratës në tërësi shpallet në faqet e internetit të Universitetit, më së largu një muaj pas mbrojtjes. Informacioni për pjesën praktike të punimit të doktoratës nga lëmi artistik shpallet në faqe të internetit të Universitetit më së largu një muaj pas mbrojtjes. Në raste të jashtëzakonshme, për çka shërbimi i studimeve të doktoratës paraprakisht e bën arsyetimin, shpallja në faqe të internetit mund të shtyhet deri në dy vjet.

- (2) Punimi i doktoratës në formë të shtypur ruhet në tri (3) kopje në arkivin e njësisë akademike, tri (3) kopje në arkivin e Universitetit dhe tri (3) kopje në Bibliotekën Qendrore Universitare.
- (3) Punimi i doktoratës nga lëmi artistik ruhet, në përputhje me llojin e veprës, në formë adekuate (në formë të shkruar, në formë fotografie, videoregjistrimi, audioregjistrimi etj.) në arkivin e njësisë akademike, në arkivin e Universitetit, në Bibliotekën Qendrore Universitare, më së largu një muaj pas mbrojtjes.

### ***Promovimi***

#### **Neni 20**

- (1) Doktoranti e fiton të drejtën e doktorit të shkencës/artit të paraparë me të drejtën e punës nga dita e mbrojtjes së suksesshme të punimit të doktoratës, ndërsa të drejtat e plota të gradës akademike dhe të diplomës me rastin e promovimit, kur edhe e bën betimin dhe nënshkruhet në Librin e doktoratës shkencore/artistike të Universitetit.
- (2) Doktoranti duhet që, brenda një muaji pas mbrojtjes, ta plotësojë formularin për promovim në gradë doktor shkence/arti dhe ta dorëzojë në shërbimin e studimeve të doktoratës të njësisë akademike punimin e doktoratës të lidhur dhe në versionin elektronik për shpallje në faqet e internetit të Universitetit, gjegjësisht në formë të dokumentacionit të përshtatshëm të punimit të doktoratës në lëmin artistik (forma e shkruar, fotografi, videoregjistrim, audioregjistrim etj.).
- (3) Rektori ia dorëzon doktorantit diplomën e doktoratës në promovimin solemn, në të cilin doktoranti duhet të marrë pjesë personalisht ose, në rast të pamundësisë së pjesëmarrjes, ta autorizojë me shkrim një person tjetër që ta marrë diplomën për të.

## **Mënyra e sigurimit të cilësisë së studimeve të doktoratës**

### **Neni 21**

- (1) Shërbimi i studimeve të doktoratës i njësisë akademike është i obliguar që të kujdeset për mbajtje dhe ruajtje të shënimeve të hollësishtme lidhur me punimin hulumtues dhe për kryerjen e detyrave të tjera studimore të çdo doktoranti, duke nënkuptuar këtu planin e obligimeve (përgatitja e dosjes së doktorantit), mbajtjen e shënimeve për numrin e doktorantëve të regjistruar dhe numrin e doktorantëve të cilët e kanë mbrojtur punimin e doktoratës.
- (2) Këshilli i studimeve të doktoratës për çdo vit e bën vetëvlerësimin në bazë të raporteve vjetore të mentorëve dhe të doktorantëve, e për këtë e njofton këshillin e fakultetit, ndërsa ky i fundit Këshillin qendror të studimeve të doktoratës dhe Senatin e Universitetit.
- (3) Raporti vjetor mbi vetëvlerësimin i bashkëngjitet kërkesës për riakreditim.
- (4) Kriteret për vlerësim përfshijnë: produktin shkencor/artistik të mësimdhënësve dhe të doktorantëve, mësimdhënien, cilësinë e punimeve të doktoratës, treguesit statistikorë të kohëzgjatjes së studimeve, treguesit statistikorë të numrit vjetor të doktorëve të rinj në krahasim me numrin e doktorantëve, si dhe realizimin e bashkëpunimit ndërkombëtar.

### ***Dispozitat kalimtare dhe përfundimtare***

### **Neni 22**

- (1) Kjo rregullore hyn në fuqi ditën e aprovimit nga Senati i UP-së.
- (2) Njësitë akademike obligohen që ta hartojnë udhëzuesin sipas kësaj Rregulloreje.
- (3) Formularët në vijim janë pjesë përbërëse e kësaj Rregulloreje, me të cilën rregullohet edhe përdorimi i tyre:
  - F1 – Paraqitja e temës së doktoratës;

- F2 – Vlerësimi i temës së doktoratës;
- F3 – Vendimi për aprovimin e temës së punimit të doktoratës;
- F4 – Raporti vjetor i doktorantit;
- F5 – Raporti vjetor i mentorit për përparimin e doktorantit;
- F6 – Kërkesa për ndërrim të temës dhe/ose të mentorit;
- F7 – Kërkesë për shtyrje të mbrojtjes publike të punimit të doktoratës;
- F8 – Udhëzimet për përpilimin e punimit të doktoratës;
- F9 – Raporti vjetor mbi veprimtarinë e studimit;
- F10 – Raporti mbi vlerësimin e punës së doktoratës;
- F11 – Protokolli dhe procesverbali për mbrojtjen e punimit të doktoratës.

- (4) Për studime të doktoratës, të cilat kanë filluar para se të hyjë në fuqi kjo rregullore, zbatohen rregullat që kanë qenë në fuqi, dhe më së voni derisa të mos kalojë afati i përfundimit të studimeve të doktoratës me rregulloren e vjetër.
- (5) Dispozitat e kësaj Rregulloreje në tërësi zbatohen për studimet e doktoratës për të cilat procedura e akreditimit fillon pas hyrjes në fuqi të kësaj Rregulloreje.

## FORMULARËT E APLIKUESHËM

PARAQITJA E TEMËS SË PUNIMIT TË DOKTORATËS <sup>1</sup>			
TË DHËNAT E PËRGJITHSHME DHE KONTAKTI I DOKTORANTIT			
Titulli, emri e mbiemri i doktorantit:			
Bartësi i studimit:			
Emërtimi i studimit:			
Numri personal i doktorantit:			
Lejimi i temës	<input type="checkbox"/> studimi i doktoratës	<input type="checkbox"/> jashtë studimit të doktoratës	<input type="checkbox"/> në bazë të të arriturave shkencore
Emri e mbiemri i nënës dhe/ose i babës:			
Data dhe vendi i lindjes:			
Adresa:			
Telefoni / mobiteli:			
E-mail:			

1

CV E DOKTORANTIT			
Shkollimi (kronologjikisht nga më të rejat deri te datat më të vjetra):			
Përvoja e punës (kronologjikisht nga më të rejat deri te datat më të vjetra):			
Lista e punimeve dhe pjesëmarrja aktive në tubime shkencore:			
TITULLI I TEMËS SË PROPOZUAR			
Shqip:			
Anglisht:			
Titulli në gjuhën në të cilën do të shkruhet punimi (në rast se nuk është në gjuhën shqipe ose angleze):			
Grupshkenca / lëmi:			
MENTORI (BASHKEMENTORËT) I(E) PROPOZUAR OSE POTENCIAL (të theksohet mentori i dytë nëse bëhet fjalë për kërkim interdisiplinar ose në rast se ekziston shkak tjetër për më shumë mentorë)			
	Titulli, emri e mbiemri	Institucioni, shteti:	E-posta:
Mentori i parë:			
Bashkëmentori:			
KOMPETENCA E MENTORIT – lista e së paku pesë punimeve të botuara brenda pesë vjetëve të fundit			
Mentori i parë:			
Mentori i dytë:			

ARSYETIMI I TEMËS	
Rezymeja në gjuhën shqipe (më së shumti 1000 shenja me vende të zbrazëta):	
Rezymeja në gjuhën angleze (ma së shumti 1000 shenja me vende të zbrazëta):	
Hyrje dhe pasqyrë e hulumtimeve (rekomandohet 7000 shenja me vende të zbrazëta)	
Qëllimi dhe hipotezat e hulumtimit (rekomandohet 700 shenja me vende të zbrazëta)	
Materiali, entitetet, metodologjia dhe plani i hulumtimit (rekomandohet 6500 shenja me vende të zbrazëta)	
Kontributi i pritur shkencor i hulumtimit të propozuar (rekomandohet 500 shenja me vende të zbrazëta)	
Lista e literaturës së cituar ( më së shumti 30 referenca)	
Vlerësimi i shpenzimeve për tërë hulumtimin ( në EUR)	
Propozimi i burimeve të financimit të hulumtimit	

Lloji i financimit	Titulli i projektit	Udhëheqësi i projektit	Nënshkrimi
Financimi kombëtar			
Financimi ndërkombëtar			
Projektet e tjera			
Financimi veçjak			
Mbledhja e Këshillit etik në të cilën është aprovuar propozimi i hulumtimit			



Pajtimi i mentorit të doktorantit për temën e propozuar

Me përgjegjësi deklaroj se pajtohem me temën e cila paraqitet

Nënshkrimi \_\_\_\_\_

(Emri e mbiemri i

mentorit të propozuar)

Nënshkrimi \_\_\_\_\_

(Emri e mbiemri i

doktorantit)

DEKLARATA

Me përgjegjësi deklaroj se nuk kam paraqitur punim doktrate me të njëjtën temë në asnjë universitet tjetër.

Në Prishtinë, \_\_\_\_ . \_\_\_\_ . \_\_\_\_

Nënshkrimi \_\_\_\_\_

(Emri e

mbiemri i doktorantit)

V.V.

VLERËSIMI I TEMËS SË DOKTORATËS <sup>1</sup>	
TË DHËNAT E PËRGJITHSHME DHE KONTAKTI I DOKTORANTIT	
Titulli, emri e mbiemri i doktorantit:	
Bartësi i studimit:	
Emërtimi i studimit:	
Numri identifikues i studentit (ose numri personal i doktorantit):	
Titulli i temës së propozuar	Gjuha e punimit:
	Shqip
	Anglisht
Grupshkenca / fusha:	

<sup>1</sup> : DR.SC.-02 – Emri e mbiemri i doktorantit.doc

MENTORI (BASHKËMENTORËT)			
	Titulli, emri e mbiemri:	Institucioni, shteti:	E-mail:
Mentori i parë:			
Mentori i dytë:			
Komisioni i zgjedhur për vlerësimin e temës dhe për propozimin e mentorit apo të bashkëmentoërve	Titulli , emri e mbiemri	Institucioni, shteti:	E-mail:
	1.		
	2.		
	3.		
	4.		
	5.		
Seanca e trupit gjegjës dhe pika e rendit të ditës në kuadër të së cilës është emëruar komisioni			
Mendimi i Komisionit etik në të cilin është marrë vendimi për lejimin e hulumtimit			



VËREJTJE (sipas nevojës):

--

Komisioni i zgjedhur për vlerësimin e temës dhe për propozimin e mentorit	Titulli, emri e mbiemri, institucioni, shteti:	Nënshkrimi:
	1. (kryetari i Komisionit)	
	2.	
	3.	
	4.	
	5.	

Në Prishtinë, \_\_\_\_ . \_\_\_\_ . \_\_\_\_

V.V.

VENDIMI I APROVIMIT TË TEMËS SË PUNIMIT TË DOKTORATËS			
TË DHËNAT E PËRGJITHSHME DHE KONTAKTI I DOKTORANTIT			
Titulli, emri e mbiemri i doktorantit:			
Bartësi i studimit:			
Titulli i studimit:			
Numri identifikues i doktorantit:			
Aprovimi i temës (të shënjohet katrori):	<input type="checkbox"/> studimi i doktoratës	<input type="checkbox"/> jashtë studimit të doktoratës	<input type="checkbox"/> në bazë të të arriturve shkencore
Titulli i temës së propozuar	Gjuha e punimit :		
	Shqip:		
	Anglisht:		
Grupshkenca / fusha:			

*Doracak për Studimet e Doktoratës*

MENTORI (BASHKËMENTORËT)			
Bashkëmentori i parë:	Titulli, emri e mbiemri:	Institucioni, shteti:	E-mail:
Bashkëmentori i dytë:	Titulli, emri e mbiemri:	Institucioni, shteti:	E-mail:
Komisioni i zgjedhur për vlerësimin e temës dhe për propozimin e mentorit apo të bashkëmentorit(ve):	Titulli, emri e mbiemri	Institucioni, shteti:	E-mail:
	1.		
	2.		
	3.		
	4.		
	5.		
Data e mbrojtjes publike të temës: (dita/muaji/viti)			
Data e regjistrimit të studimeve të doktoratës (dita/muaji/viti):			
Planifikimi i finalizimit të punimit / temës së doktoratës (të shkruhet viti e semestri):			
Seanca e trupit gjegjës dhe pika e rendit të ditës në kuadër të së cilës është marrë vendimi për aprovimin e temës:			

Vërejtje (sipas nevojës):

LISTA E SHTOJCAVE  
(jashtë formularit):

1. Formulari F1 Paraqitja e temës
2. Formulari F2 Vlerësimi i temës
3. Mendimi i Komisionit etik (për tema për të cilat është obliguese)

Data dhe verifikimi – vula dhe nënshkrimi i personit përgjegjës:

Në Prishtinë, \_\_\_\_\_.\_\_\_\_\_.\_\_\_\_\_

Nënshkrimi \_\_\_\_\_

(Emri e mbiemri)

V.V.



*Doracak për Studimet e Doktoratës*

RAPORTI VJETOR I PROGRESIT TË DOKTORANTIT <sup>1</sup>			
SHËNIMET E PËRGJITHSHME			
Emërtimi i studimit:			
Titulli, emri e mbiemri i doktorantit:			
Numri identifikues i doktorantit:		Viti për të cilin jepet raporti:	
E-mail:			
Lloji i studimit (të shënjohet katrori):	<input type="checkbox"/> me kohë të plotë pune	<input type="checkbox"/> me kohë të caktuar pune	
MENTORI (BASHKEMENTORËT)			
	Titulli, emri e mbiemri:	Institucioni, shteti:	
Mentori i parë:			
Mentori i dytë:			
Këshilltari studimor (vetëm nëse nuk është emëruar mentori):			
RAPORTI VJETOR			
A është përpiluar plani vjetor dhe a realizohet përparimi sipas tij ? (të shënjohet katrori)	Përpilimi i planit:	Është realizuar përparimi sipas planit:	
	<input type="checkbox"/> po <input type="checkbox"/> jo	<input type="checkbox"/> po <input type="checkbox"/> jo	

<sup>1</sup> Ju lutemi që formularin e plotësuar F4 ta dërgoni në formë elektronike të nënshkruar.

Nëse e keni shënjuar me jo, arsyetoni përse dhe propozoni si të bëhet përmirësimi:	
Përshkruajeni përparimin ndaj raportit paraprak (max. 500 fjalë):	
Shkurtimeisht përshkruajeni planin për periudhën e ardhshme (max. 500 fjalë):	
I shkruani vështirësitë të cilat ndikojnë apo mund të ndikojnë në rrjedhën e studimit tuaj	
Në shkallën prej 1- 5, vlerësojeni cilësinë e punës suaj hulumtuese (nga raporti paraprak):	1 - pamjaftueshëm 2 - mjaftueshëm 3 - mirë 4 – shumë mirë 5 - shkëlqyeshëm
Nëse në pyetjen paraprake e keni rrumbullakuar 1 ose 2, arsyetoni përse:	
Në shkallën prej 1- 5, vlerësojeni cilësinë e punës suaj hulumtuese (nga raporti paraprak):	1 - pamjaftueshëm 2 - mjaftueshëm 3 - mirë 4 – shumë mirë 5 - shkëlqyeshëm

*Doracak për Studimet e Doktoratës*

<p>Nëse në pyetjen paraprake e keni rrumbullakuar 1 ose 2, arsyetojeni përse:</p>				
<p>Pjesëmarrja në zhvillimin e mësimit (lënda në të cilën keni marrë pjesë - lloji dhe kohëzgjatja e mësimit):</p>	<p>Emërtimi i lëndës</p>	<p>Lloji i mësimit</p>	<p>Kohëzgjatja (javor, mësimi në orë )</p>	<p>Gjithsej (semestral, mësimi në orë)</p>
<p>Pjesëmarrja në projektet shkencore e profesionale (në vitin e kaluar akademik):</p>	<p>Institucioni</p>	<p>Prej</p>	<p>Deri</p>	<p>Emërtimi dhe lloji i projektit</p>

Kurset, punëtoritë dhe aftësimi jashtë vendit (në vitin e kaluar akademik):	Institucioni	Prej	Deri	Titulli
Pjesëmarrja në tubimet shkencore e profesionale (në vitin e kaluar akademik):	Institucioni	Prej	Deri	Emërtimi i tubimit dhe lloji i kumtesës

*Doracak për Studimet e Doktoratës*

	Lënda	ECTS	Vlerësimi
Obligimet e caktuara sipas planit të paraparë (në vitin e kaluar akademik):			
Punimet shkencore:	Bashkëngjitur me DR.SC.-04 listën e punimeve		
<b>EVALUIMI I MENTORIT</b>			
Në shkallën prej 1- 5, vlerësoni : (1 - pamjaftueshëm, 2 - mjaftueshëm, 3 - mirë, 4 – shumë mirë, 5 - shkëlqyeshëm)	Parashtrimi i qëllimeve dhe i pritjeve të qarta nga doktoranti	1   2   3   4   5	
	Ndihma në planifikimin vjetor të aktiviteteve hulumtuuese dhe në përsosjen profesionale	1   2   3   4   5	
	Puna e rregullt mentoriale me doktorantin	1   2   3   4   5	
	Nxitja dhe ndihma në publikimin e punimeve shkencore	1   2   3   4   5	
	Raporti i tërësishëm i mentorit me doktorantin	1   2   3   4   5	

EVALUIMI I STUDIMEVE TË DOKTORATËS	
<p>Në shkallën prej 1- 5, vlerësojeni se sa jeni të kënaqur me cilësinë e programit vjetor të studimit të doktoratës që e vijoni:</p>	<p align="center">1 - pamjaftueshëm 2 - mjaftueshëm 3 - mirë 4 – shumë mirë 5 - shkëlqyeshëm</p>
<p>Nëse në pyetjen paraprake jeni përgjigjur me 1 ose 2, arsyetojeni dhe propozoni si të bëhet përmirësimi:</p>	
Vendi, data dhe nënshkrimi	
<p>Në Prishtinë, _____._____._____</p> <p align="right">Nënshkrimi _____ (Emri e mbiemri i doktorantit)</p> <p>V.V.</p>	

*Doracak për Studimet e Doktoratës*

DR.SC.-05 RAPORTI VJETOR I MENTORIT PËR PËRPARIMIN E DOKTORANTIT <sup>1</sup>			
Emërtimi i studimit të doktoratës:			
MENTORI (BASHKEMENTORËT)			
MENTORI(ËT):	Titulli, emri e mbiemri:	Institucioni, shteti:	
Mentori i parë:			
Mentori i dytë:			
Thirrja, emri e mbiemri doktorantit:			
Numri personal i doktorantit:		Viti akademik për të cilin jepet raporti:	
Në shkallën prej 1 – 5 shprehni kënaqësinë tuaj për cilësinë e takimeve me doktorantin:	1 – pamjaftueshëm 2 – mjaftueshëm 3 – mirë 4 – shumë mirë 5 – shkëlqyeshëm		
Nëse jeni përgjigjur me 1 ose 2 në pyetjen paraprake, arsyetoheni dhe propozoni si të bëhet përmirësimi:			
A është përpiluar plani i punës dhe a po realizon përparim doktoranti sipas planit? (shënoni katrorin)	Përpilimi i planit të punës:	Ka bërë përparim në bazë të planit:	
	<input type="checkbox"/> po <input type="checkbox"/> jo	<input type="checkbox"/> po <input type="checkbox"/> jo	
Nëse jo, thuajene shkaku dhe propozoni si të bëhet përmirësimi:			

<sup>1</sup> Ju lutemi që formularin e plotësuar ta dërgoni F5 me postë elektronike.

Vlerësimi i cilësisë së përparimit të punës kërkimore të doktorantit (nga raporti i fundit):	1 – pamjaftueshëm 2 – mjaftueshëm 3 – mirë 4 – shumë mirë 5 – shkëlqyeshëm					
Nëse jeni përgjigjur me 1 ose 2 në pyetjen paraprake, arsyetojeni dhe propozoni si të bëhet përmirësimi:						
Komenti mbi përparimin e doktorantit prej raportit të fundit:						
<b>VLERËSIMI PËR DOKTORANTIN</b>						
Ju lutemi që në shkallën prej 1 – 5 të vlerësoni: (1 – pamjaftueshëm, 2 – mjaftueshëm, 3 – mirë, 4 – shumë mirë, 5 - shkëlqyeshëm)	Përgatitjen e doktorantit për konsultime	1	2	3	4	5
	Planifikimi dhe realizimi i aktiviteteve hulumtuese në përsosjen profesionale	1	2	3	4	5
	Përparimi në metodologjinë e kërkimit shkencor	1	2	3	4	5
	Përpilimi dhe botimi i punimeve shkencore	1	2	3	4	5
	Qëndrimi i doktorantit ndaj studimit në përgjithësi	1	2	3	4	5
Në shkallën prej 1 - 5 vlerësojeni cilësinë e punës së doktorantit:	1 – pamjaftueshëm 2 – mjaftueshëm 3 – mirë 4 – shumë mirë 5 – shkëlqyeshëm					
Nëse jeni përgjigjur me 1 ose 2 në pyetjen paraprake, arsyetojeni dhe propozoni si të bëhet përmirësimi:						
<b>VENDIMARRJA PËR VAZHDIMIN E STUDIMIT</b>						



A mund t'i vazhdojë studimet doktoranti ?	a) po b) po, por me disa kushte c) jo
Në rast se në pyetjen paraprake jeni përgjigjur me b ose c, arsyeja/jeni:	
Vërejtje të tjera dhe mendimi i mentorit / bashkëmentorëve (sipas nevojës):	
Vendi, data dhe nënshkrimi	
Në Prishtinë, _____ . _____ . _____   V.P.	Nënshkrimi _____ (Emri e mbiemri i mentorit)   Nënshkrimi _____ (Emri e mbiemri i mentorit të dytë)

KËRKESA PËR NDËRRIM TË TEMËS DHE/OSE MENTORIT/BASHKËMENTORIT <sup>1</sup>			
Emërtimi i studimit të doktoratës:			
Titulli, emri e mbiemri i doktorantit:			
Numri personal doktorantit:		E-mail:	
Titulli i temës:	Gjuha e punimit :		
	Shqip:		
	Anglisht:		
<b>TITULLI I RI I TEMËS</b> (Të plotësohet nëse dëshirohet të ndërrohet tema e punimit të doktoratës)			
Titulli i ri i temës:	Gjuha e punimit:		
	Shqip:		
	Anglisht:		

<sup>1</sup> Ju lutemi që formularin e plotësuar F6 të nënshkruar ta dërgoni me postë elektronike.

ARSYESHMËRIA E KËRKESËS PËR NDËRRIMIN E TEMËS DHE/OSE MENTORIT		
TË DHËNAT PËR MENTORIN (BASHKËMENTORËT) (Të shkruhen dy mentorë nëse bëhet fjalë për kërkim interdisiplinar ose nëse ekziston tjetër arsye për mentorim të shumëfishtë)		
	Titulli, emri e mbiemri:	Institucioni, shteti:
Mentori i parë		
Mentori i dytë		
MENTORI (BASHKEMENTORËT) I (E) RI(NJ) (Të plotësohet vetëm në rast se dëshirohet të ndërrohet mentori(ët))		
Mentori i parë		
Mentori i dytë		

DEKLARIMI I MENTORIT OSE I UDHËHEQËSIT TË STUDIMEVE PËR KËRKESËN

Vendi, data dhe nënshkrimi

Në Prishtinë, ..... Nënshkrimi \_\_\_\_\_  
(Emri e mbiemri i doktorantit)

Nënshkrimi \_\_\_\_\_  
(Emri e mbiemri i mentorit dhe/ose i  
udhëheqësit të studimeve)

V.V.

Nënshkrimi \_\_\_\_\_  
(Emri e mbiemri i mentorit të ri)

*Doracak për Studimet e Doktoratës*

KËRKESË PËR SHTYRJE TË MBROJTJES PUBLIKE TË PUNIMIT TË DOKTORATËS <sup>1</sup>		
TË DHËNAT E PËRGJITHSHME		
Emri i fakultetit:		
Emërtimi i studimit të doktoratës:		
Titulli, emri e mbiemri i doktorantit:		
Numri personal i doktorantit:		
E-mail:		
Titulli i punimit të doktoratës:	Gjuha e punimit:	
	Shqip:	
	Anglisht:	
MENTORI (BASHKËMENTORËT)		
	Titulli, emri e mbiemri:	Institucioni, shteti:
Mentori i parë:		
Bashkëmentori:		

<sup>1</sup> Ju lutem këtë formular F7, pasi ta nënshkruani, ta dërgoni me postë elektronike.

## KËRKESË

Ju lutem të ma mundësoni shtyrjen e mbrojtjes publike të punimit të doktoratës para Komisionit për vlerësim dhe për mbrojtje të punimit. Arsyeja për këtë kërkesë është se rezultatet e hulumtimit përmbajnë inovacione të përshtatshme për mbrojtjen e së drejtës intelektuale përmes organit gjegjës. Pasi që mbrojtja publike e punimit të doktoratës përfshin edhe paraqitjen publike, e cila mund ta diskualifikojë mbrojtjen e së drejtës përmes patentës dhe formave të tjera të mbrojtjes së pasurisë intelektuale, ju lutem ta aprovoni shtyrjen e procedurës e cila parashihet me nenin 15 të Rregullores për studime të doktoratës.

Në Prishtinë, ..... Nënshkrimi \_\_\_\_\_

(Emri e mbiemri i doktorantit)

Nënshkrimi \_\_\_\_\_ Nënshkrimi \_\_\_\_\_

(emri e mbiemri i barësit të projektit)

(emri e mbiemri i menotirt)

V.V.

## **Udhëzimet për përpilimin e punimit të doktoratës**

Punimi i doktoraturës shkruhet në gjuhën shqipe ose në ndonjë gjuhë tjetër me të cilën janë të organizuara studimet e doktoratës dhe përmban titullin, rezymenë e zgjeruar dhe fjalët kyçe në shqip e anglisht, gjegjësisht në gjuhë tjetër në të cilën është teksti i veprës.

Teksti i punimit të doktoraturës duhet të jetë gramatikusht dhe në pikëpamje drejtshkrimore korrekt dhe pa gabime shtypi. Punimi duhet të jetë i shtypur në letër A4 ( 210 x 297 mm).

Faqja mund të ketë më së shumti 1800 – 2200 shenja dhe nuk duhet të ketë më tepër se 35 rreshta. Rekomandohet që titujt e kapitujve të jenë me shkronja të trasha (bold), ndërsa emërtimet e nënkapitujve të shkruhen me germa të vogla.

Teksti i çdo faqeje duhet të jetë i ndarë në pjesëza të logjikshme.

Teksti shtypet vetëm në një anë të fletës dhe faqet duhet të numërohen të gjitha, duke filluar nga hyrja e deri te fundi i punimit.

Numërtimi shkruhet në pjesën e poshtme të faqes, në këndin e djathtë.

Punimet e dorëzuara duhet të jenë të lidhura.

### **Shtuarja e faqes:**

Fonti (Iloji i germave) – Times New Roman

Madhësia : 12 pikë tipografike

Ndërvija: 1,5 radhë

Margina e djathtë , e majtë: 2,5 cm

Margina lart - poshtë: 2,5 cm

Faqet në ballinë kanë tjetër formë

### **Ilustrimet (Tabelat dhe ilustrimet)**

Të gjitha tabelat dhe ilustrimet (grafikonët, fotografitë, vizatimet, skemat,

diagramet, histogramet, ...) duhet t'i kenë emërtimet dhe numrin rendor.

Numrat dhe emërtimet e tabelave duhet të vendosen mbi tabelë.

Numrat dhe emërtimet e ilustrimeve duhet të vendosen nën ilustrim.

Në rast se ilustrimi nuk është kontribut origjinal i autorit të punimit, është obliguese të shkruhet burimi (nëse ilustrimi është i botuar), gjegjësisht autori (nëse ilustrimi nuk është i publikuar). Burimi shënohet nën ilustrim. Nëse ilustrimi është reproduktim i veprës artistike, shënohet autori (nëse është i njohur), emërtimi, si dhe të dhënat e tjera relevante të veprës.

Rregull i përgjithshëm është që në të gjitha punimet e shkruara gjithherë duhet të dallohet qartë teksti i huaj, njohuritë e huaja nga teksti i autorit, konkluzionet e tija, njohuritë , idetë, të dhënat e ngjashëm. Nga autorë të tjerë mund të merren pjesë më të vogla të tekstit , mirëpo çdoherë duhet të shënohen qartë dhe në mënyrë të dukshme. Udhëzimet në detaje se si shkruhen punimet, si citohet dhe si referohen punimet e të tjerëve doktorantët duhet t'i kërkojnë në literaturën gjegjëse, e cila dominon në lëmin e caktuar shkencor (stili Harward, stili i Oxfordit, stili i Chicagos etj.)

#### Punimin doemos duhet ta përbëjnë:

- Ballina në gjuhën në të cilën është i shkruar punimi;
- Pas faqes së ballinës vijon faqja e njëjtë (si ballina) në gjuhën angleze, nëse punimi nuk është i shkruar në gjuhën angleze;
- Faqja me informacione për mentorin / bashkëmentorin(ët);
- Falënderimet (jo obliguese);
- Rezymeja në gjuhën në të cilën është shkruar punimi;
- Rezymeja e zgjeruar ( e strukturuar) në gjuhën shqipe, në rast se punimi nuk është shkruar në atë gjuhë;
- Rezymeja e zgjeruar në gjuhën angleze, në rast se punimi nuk është shkruar në atë gjuhë;
- Fjalët kyçe;



- Përmbajtja;
- Teksti i punimit (duke filluar nga hyrja);
- Përfundimi;
- Lista e literaturës;
- Shtojcë (jo obliguese);
- Jetëshkrimi i autorit me listën e punimeve të botuara.

Margina e majtë 3.0 cm

Margina e lartë 3.0 cm

UNIVERSITETI I PRISHTINËS  
EMRI I FAKULTETIT  
(Arial 16)

Emri e mbiemri  
(Arial 16)

TITULLI I PUNIMIT  
(Arial 22, Bold)

PUNIMI I DOKTORATËS  
(Arial 16)

Prishtinë, viti  
(Arial 16)

Margina e poshtme 3.0 cm

Margina e djathtë 3.0 cm

Fleta e dytë – (ballina në gjuhën angleze)

Left margin 3.0 cm

Upper margin 3.0 cm

UNIVERSITY OF PRISHTINA

FACULTY NAME

(Arial, 16)

Candidate's name and surname

(Arial, 14)

TITLE OF THE PhD THESIS

(Arial, 22, Bold)

DOCTORAL THESIS

(Arial, 16)

Prishtina, year

(Arial, 14)

Lower margin 3.0 cm

Right margin 3.0 cm

Fleta e tretë – (përmbajtja si në kopertinë):

UNIVERSITETI I PRISHTINËS  
TITULLI I FAKULTETIT  
(Arial 16)

EMRI E MBIEMRI  
(Arial 16)

TITULLI I PUNIMIT  
(Arial 22, Bold)

PUNIMI I DOKTORATËS  
(Arial 16)

Mentori(ët):  
(Arial 16)

Prishtinë, viti  
(Arial 16)

*Doracak për Studimet e Doktoratës*

RAPORTI VJETOR MBI PROGRAMIN E STUDIMEVE TË DOKTORATËS <sup>1</sup>						
TË DHËNAT E PËRGJITHSHME						
Bartësi i studimit:						
Adresa:						
Tel./ fax:					Viti akademik për të cilin jepet raporti :	
Emërtimi i studimit:						
Udhëheqësi i studimit:						
TË DHËNAT E STUDIMIT TË DOKTORATËS						
Grupshkenca e studimit	Numri i të regjistruarve		Numri i lëndëve obliguese	Numri i lëndëve zgjedhore	Numri i lëndëve ofruese zgjedhore	Nga këto lëndët për zhvillimin e shkathhtësive
	Me kohë të plotë pune <sup>2</sup> / full -time	Me kohë të pjesshme <sup>3</sup> / part- time				
Numri i lëndëve në gjuhën angleze	Numri i lëndëve të cilat mund të zhvillohen në gjuhën angleze		Gjithsej obligimet mësimore (ECTS)	Numri potencial i mentorëve	Shuma e pagesës së shkollimit: (në EUR)	
		Data e akreditimit			Koha e plotë e punës	Koha e pjesshme e punës

<sup>1</sup> Ju lutemi të plotësoni formularin F9 dhe ta dërgoni të nënshkruar me postë elektronike.

*Doracak për Studimet e Doktoratës*

STRUKTURA E ARSIMTARËVE, E DOKTORANTËVE DHE E PERSONELIT TJETËR									
ARSIMTARËT (A) <sup>4</sup> :									
	Universiteti i Prishtinës				Të tjerët – Kosova		Të tjerët– jashtë vendit		
	Bartësi i studimit		Të tjerët		Numri	Moshë mesatare (në vite)	Numri	Moshë mesatare (në vite)	
	Numri	Moshë mesatare (në vite)	Numri	Moshë mesatare (në vite)					
Profesorë të rregullt:									
Profesorë të asocuar:									
Profesorë asistentë:									
Asistentë:									
<b>GJITHSEJ (A):</b>									
STRUKTURA E DOKTORANTËVE SIPAS LLOJIT STUDIMOR									
Viti akademik	Numri i doktorantëve të regjistruar në studime								
	Viti 1.			Viti 2.			Viti 3.		
	Me kohë të plotë pune	Me kohë të pjesëshme	Doktorantët e jashtëm vevendit	Me kohë të plotë pune	Me kohë të pjesëshme	Doktorantët e jashtëm vevendit	Me kohë të plotë pune	Me kohë të pjesëshme	Doktorantët e jashtëm vevendit

**Doracak për Studimet e Doktoratës**

Numri i temave të aprovuara të doktoraturës	Numri i doktoraturave të mbrojtura	Mosha mesatare e doktorantëve të cilët e kanë mbrojtur punimin e doktoratës	Mesatarja e kohëzgjatjes së studimeve (në vite)					
STRUKTURA E DOKTORANTËVE SIPAS LLOJIT TË FINANCIMIT TË STUDIMIT DHE GJINISË								
Lloji i financimit të studimit	Viti 1.		Viti 2.		Viti 3.		Kanë doktoruar	
	M	F	M	F	M	F	M	F
Shkencëtar nismëtar / asistent								
Bursa								
Shpenzimet i mbajnë personat juridikë								
Vetëfinancimi								
GJITHSEJ:								
MENTORIMI								
Numri i mentorëve të cilët i kanë udhëhequr doktorantët në vitin paraprak akademik	Numri i mentorëve, doktorantët e të cilëve i kanë mbrojtur punimet në vitin paraprak akademik	Numri i punimeve shkencore të mentorëve, të publikuara në vitin paraprak akademik	Numri i punimeve shkencore të mentorëve, të publikuara në publikimet <u>ndërkombëtare</u> gjatë vitit të kaluar kalendarik	Numri i punimeve shkencore të mentorëve, të publikuara në <u>bashkëpunim</u> me doktorantët gjatë vitit të kaluar kalendarik				

<sup>3</sup> Data on the academic year

*Doracak për Studimet e Doktoratës*

NUMRI I PROJEKTEVE KËRKIMORE NË VITIN E KALUAR AKADEMIK					
Financimi	MASHT	Ekonomia/ sektori publik	Ndërkombëtar	Të tjerë	Gjithsej
Numri i projekteve:					
Numri i <u>arsim- tarëve në studimet e doktoratës</u> të kyçur në projekte:					
Numri i <u>dok- torantëve të</u> këtij studimi të kyçur në projekte:					



**CILËSIA E MËSIMIT**

Për të vlerësuar cilësinë e mësimdhënies, të dhënat nxirren nga anketat, të cilat fakulteti periodikisht i zbaton duke u bazuar në programin e studimeve të doktoratës. Në qoftë se një sondazh i tillë nuk aplikohet, kjo duhet të theksohet.

I shtroni thukhtë mendimet kryesore dhe ndonjë vërejtje të doktorantëve, të shprehura në anketë mbi cilësinë e studimeve, veçanërisht për:

- Dobinë dhe cilësinë e burimeve të informacioneve për të mësuar;
- Rëndësinë e mësimdhënies për t'i kuptuar përmbajtjet e caktuara;
- Përmbajtjen dhe cilësinë e lëndëve zgjedhore;
- Përmbajtjen dhe cilësinë e lëndëve obliguese;
- Vlerësimi i sasisë së mësimdhënies krahas hulumtimit;
- Oferta e lëndëve zgjedhore;
- Mundësia për të marrë pjesë në kurse të cilat nuk janë pjesë e studimeve tuaja.

**PËRSOSJA PROFESIONALE E DOKTORANTËVE<sup>5</sup>**

Lloji i përsosjes	Numri i doktorantëve të këtij studimi, të cilët kanë qenë jashtë vendit në qëndrim profesional	Kohëzgjatja (në ditë)	Numri doktorantëve nga jashtë, të cilët kanë qëndruar në studimet aktuale	Kohëzgjatja e qëndrimit të tyre (në ditë)
Shkencor				
Mësimor				
Profesional				

<sup>5</sup> Të dhënat kanë të bëjnë me vitin akademik

VËREJTJE (SIPAS NEVOJËS):

Në Prishtinë, \_\_\_\_ . \_\_\_\_ . \_\_\_\_

Nënshkrimi \_\_\_\_\_  
(Udhëheqësi i studimeve të doktoratës)

V. V.

*Doracak për Studimet e Doktoratës*

RAPORTI MBI VLERËSIMIN E PUNIMIT / DORËSHKRIMIT TË DOKTORATËS <sup>1</sup>	
TË DHËNAT E PËRGJITHSHME DHE KONTAKTI PËR DOKTORANTIN:	
Titulli, emri e mbiemri i doktorantit:	
Bartësi i studimit:	
Emërtimi i studimit:	
Numri identifikues i doktorantit:	
Titulli i punimit të doktoratës:	Gjuha e punimit
	Shqip:
	Anglisht:
Grupshkenca/fusha:	

<sup>1</sup> Ju lutemi të plotësoni formularin F11 dhe të nënshkruar ta dërgoni me postë elektronike.

MENTORI (ËT)		
	Titulli, emri e mbiemri:	Institucioni, shteti:
Mentori i parë:		
Mentori i dytë:		
Komisioni i zgjedhur për vlerësimin e punimit të doktoratës	Titulli, emri e mbiemri:	Institucioni, shteti:
	1.	
	2.	
	3.	
	4.	
	5.	
<p align="center"><b>VLERËSIMI I PUNIMIT TË DOKTORATËS</b></p> <p align="center">(Vlerësimi duhet të përmbajë kontributin burimor shkencor dhe zbulimin e ri)</p>		
<p>Vlerësimi dhe propozimi:</p>		

*Doracak për Studimet e Doktoratës*

Komisioni i zgjedhur për vlerësimin e punimit të doktoratës	Titulli , emri e mbiemri, institucioni, shteti:	Nënshkrimi:
	1. (kryetari i Komisionit)	
	2.	
	3.	
	4.	
	5.	
Seanca e organit gjegjës dhe pika e rendit të ditës, në kuadër të së cilës është marrë vendimi për emërimin e Komisionit		
Vërejtje (sipas nevojës):		
Në Prishtinë, _____.	V.V.	

## PROTOKOLLI DHE PROCESVERBALI PËR MBROJTJEN E PUNIMIT TË DOKTORATËS

Komisioni hyn në dhomë ku do të mbahet mbrojtja me këtë radhë: anëtari i 5-të, anëtari i 3-të, kryetari, anëtari i 2-të, anëtari i 4-t. Doktoranti qëndron para Komisionit. Anëtarët e Komisionit dhe të tjerët që janë të pranishëm ulen, e pastaj kryetari lexon:

I nderuari kandidat, të nderuar anëtarë të Komisionit dhe të gjithë ju të pranishëm. Ju bëj me dije se sot doktoranti

Emri e mbiemri i doktorantit

do ta mbrojë punimin e doktoratës me titull

Titulli i punimit të doktoratës:	Gjuha e punimit :	
	Shqip:	
	Anglisht:	

i përpunuar nën udhëheqjen e mentorit

	Titulli, emri e mbiemri :	Institucioni, shteti:
Mentori i parë:		
Mentori i dytë:		

Punimi i doktoratës do të mbrohet para Komisionit prej \_\_\_\_\_ anëtarësh, me këtë përbërje:

Komisioni i zgjedhur për mbrojtjen e punimit të doktoratës	Titulli, emri e mbiemri:	Institucioni, shteti:	Nënshkrimi:
	1.		
	2.		
	3.		
	4.		
	5.		

Të cilin e ka emëruar organi përgjegjës

---

më datë:

---

Punimin e doktoratës e ka pranuar \_\_\_\_\_

*Titulli i organit gjegjës*

më datë

---

Me propozim të Komisionit për vlerësimin e punimit të doktoratës, me këtë përbërje:

Komisioni i zgjedhur për vlerësimin e punimit të doktoratës:	Titulli , emri e mbiemri:	Institucioni, shteti:
	1.	
	2.	
	3.	
	4.	
	5.	

Kryetari lexon jetëshkrimin e doktorantit:

CV e shkurtër e doktorantit – e përgatit shërbimi i studentëve

Kryetari e lexon arsyetimin e vlerësimit të punimit të doktoraturës.

Raportin e shkurtër – e përgatit kryetari i Komisionit, duke u bazuar në raportin e Komisionit

Pasi ta lexojë raportin, kryetari ia jep fjalën doktorantit me këto fjalë:

E lus doktorantin që ta parashtrojë punimin e doktoratës brenda 45 minutave.

Pasi të kryhet fjala e doktorantit, kryetari i lut anëtarët e Komisionit që të shtrojnë pyetje nga lëmi i hulumtimit.



(Vërejtje: mentori(ët) nuk shtron pyetje)

Në fund, kryetari i shtron pyetje doktorantit

Pyetjet e Komisionit për mbrojtjen e punimit të doktoratës	
Anëtari 2.	
Anëtari 3.	
Anëtari 4.	
Anëtari 5.	
Kryetari i Komisionit	

Kryetari i pyet të pranishmit: A dëshiron dikush të shtrojë pyetje dhe e lut atë që shtron pyetje që të prezantohet

Pyetjet e të pranishmëve	
(emri e mbiemri)	
(emri e mbiemri)	
(emri e mbiemri)	

Kryetari e përmbyll procedurën me fjalët: Nëse nuk ka më pyetje, e shpalli mbrojtjen e punimit të doktoratës të kryer dhe propozoj që Komisioni të tërhiqet për të marrë vendim.

\* \* \*

Pas kthimit, kryetari lexon:

„Ky Komision, pas mbrojtjes publike të punimit të doktoratës, njëzëri ka marrë: me shumicë votash (të theksohet)

V E N D I M

se

---

*Emri e mbiemri i doktorantit*

e ka mbrojtur punimin e doktoratës.

Komisioni do ta lusë rektorin e Universitetit që

---

*Emri e mbiemri i doktorantit*

Ta promovojë në thirrjen më të lartë akademike

DOKTOR SHKENCE

nga \_\_\_\_\_, grupshkenca

fusha shkencore \_\_\_\_\_

Në Prishtinë, \_\_\_\_\_.\_\_\_\_\_.\_\_\_\_\_

V.V.



